

四庫全書

史部

欽定四庫全書

資治通鑑卷二百三

宋 司馬光 撰

胡三省 音註

唐紀十九

起玄默敦牂盡柔
北開茂凡五年

高宗天皇大聖大弘孝皇帝下

永淳元年

時以皇孫重
照生改元

春二月作萬泉宮於藍田

藍田
縣漢

屬京兆後魏置藍田郡
隋廢郡為縣復屬京兆

癸未改元赦天下 戊午立

皇孫重照為皇太孫上欲令開府置官屬問吏部郎中

王方慶

吏部掌考天下之文吏之班秩階品

對曰晉及齊皆嘗立太孫

晉惠

帝立太孫臧齊武帝立太孫昭業

其太子官屬即為太孫官屬未聞太

子在東宮而更立太孫者也上曰自我作古可乎對曰

三王不相襲禮

叔孫通之言

何為不可乃奏置師傅等官既

而上疑其非法竟不補授方慶哀之曾孫也

方慶梁王哀之曾孫

江陵陷哀徙入關遂為咸陽人哀當作襄

名緜以字行

緜丑林翻

西突厥阿史

那車薄帥十姓反

厥九勿翻帥讀曰率下同

夏四月甲子朔日有

食之上以闕中飢饉米斗三百將幸東都丙寅發京

師留太子監國

監古街
翻下同

使劉仁軌裴炎薛元超輔之時

出幸倉猝扈從之士有餓死於中道者

從才用翻
下以從同

上慮

道路多草竊命監察御史魏元忠檢校車駕前後元忠

受詔即閱視赤縣獄

西京以長安
萬年為赤縣

得盜一人神采語言

異於衆命釋桎梏

桎職日翻
梏工沃翻

襲冠帶乘驛以從

從才
用翻

與

之共食宿

既與之共食
又與之共宿

託以詰盜

詰去
吉翻

其人笑許諾比

及東都

比必
利翻

士馬萬數不亡一錢

辛未以禮部尚書

聞喜憲公裴行儉為金牙道行軍大總管

此指西突厥
之金牙山也

帥右金吾將軍閻懷旦等三摠管分道討西突厥師未

行行儉薨行儉有知人之鑒初為吏部侍郎前進士王

勅勅其咸陽尉樂城蘇味道劉昫曰樂城漢開縣後魏

屬趙州余考漢書地理志常山郡有閼縣又考宋白續

通典鎮州樂城縣本漢閼縣魏太和十一年於閼縣故

城置樂城縣則劉皆未知名行儉一見謂之曰二君後

胸誤作閼縣明矣當相次掌銓衡僕有弱息願以為託弱息弱是時勅弟

勃與華陰楊炯范陽盧照鄰范陽漢涿縣地魏文帝改

為范陽郡至隋廢郡復為義烏駱賓王義烏漢烏

涿縣屬幽州唐武德七年改為

范陽縣華戶化翻炯古迴翻

義烏漢烏

漢分烏傷置長山縣晉以長山為東陽郡治所烏傷別為縣武德七年改烏傷為義烏縣屬婺州 皆以

文章有盛名司列少常伯李敬玄尤重之少詩以為必

顯達行儉曰士之致遠當先器識而後才藝勃等雖有

大華而浮躁淺露豈享爵祿之器邪楊子稍沈靜躁則

沈持應至令長餘得令終幸矣既而勃度海墮水烟終

於盈川令黔州彭水縣漢酉陽縣地武德二年分彭水

於巴江西置盈隆縣先天元年避太子名改

曰盈川非此也衢州龍丘縣武后如意元年分置盈川

縣名長照鄰惡疾不愈赴水死賓王反誅謂同徐勸味

道皆典選如行儉言

選須綃翻

行儉為將帥所引偏裨如程

務挺張虔勗王方翼劉敬同李多祚黑齒常之後多為

名將

將即亮翻帥所類翻裨賓彌翻

行儉常命左右取犀角麝香而失

之又勅賜馬及鞍令史輒馳驟馬倒鞍破

此禮部今史也

二人

皆逃去行儉使人召還謂曰爾曹皆誤耳何相輕之甚

邪

謂懼罪責而逃是以常人見待相輕之甚也

待之如故破阿史那都支

見上

卷調露元年

得馬腦盤廣二尺餘

馬腦文石也琢以為盤廣古曠翻

以示將

士軍吏王休烈捧盤升階跌而碎之

跌徒結翻

惶恐叩頭流

血行儉笑曰爾非故為何至於是乎不復有追惜之色詔

賜都支等資產金器三千餘物襍畜稱是

復扶又翻畜許救翻稱尺

證並分給親故及偏裨數日而盡阿史那車薄圍弓

月城安西都護王方翼引軍救之破虜衆於伊麗水

自

月城過思潭川蟄夫密城渡伊麗河至碎葉界

斬首千餘級俄而三姓咽麩與

車薄合兵拒方翼方翼與戰於熱海

碎葉城東有熱海地寒不凍咽於旬

翻麩

見翻 流矢貫方翼臂方翼以佩刀截之左右不知所

將胡兵謀執方翼以應車薄方翼知之悉召會議陽出

軍資賜之以次引出斬之會大風方翼振金鼓以亂其聲誅七十餘人其徒莫之覺既而分遣裨將襲車薄咽麪大破之擒其酋長三百人

首慈由翻
長知兩翻

西突厥遂平闇

懷旦竟不行方翼尋遷夏州都督徵入議邊事上見方

翼衣有血漬

夏戶雅翻
漬疾智翻

問之方翼具對熱海苦戰之狀

上視瘡歎息竟以廢后近屬不得用而歸

廢后方翼從
祖女弟也歸

者復歸

夏州

乙酉車駕至東都

丁亥以黃門侍郎潁川

郭待舉

隋改長社為潁川縣武德
四年復曰長社屬許州

兵部侍郎岑長倩祕

書負外少監檢校中書侍郎鼓城郭正一吏部侍郎鼓

城魏玄同

鼓城漢臨平下曲陽兩縣之地屬鉅鹿郡隋分棗城於下曲陽故城東五里置昔陽縣尋

改為鼓城時屬定州

並與中書門下同承受進止平章事上欲用

待舉等謂韋知溫曰待舉等資任尚淺且令預聞政事

未可與卿等同名自是外司四品已下知政事者始以

平章事為名長倩文本之兄子也

岑文本輔太宗

先是玄同為

吏部侍郎

先志薦翻

上言銓選之弊

上時掌翻

以為人君之體當

委任而責成功所委者當則所用者自精矣

者當丁浪翻

故

周穆王命伯冏為太僕正曰慎簡乃僚

見書
冏命

是使羣司

各求其小者而天子命其大者也乃至漢氏得人皆自

州縣補署五府辟召然後升於天朝

見後漢紀
朝直遙翻

自魏晉

以來始專委選部

選須
絢翻

夫以天下之大士人之衆而委

之數人之手用刀筆以量才案簿書而察行

量音良行
下孟翻

借使平如權衡明如水鏡猶力有所極照有所窮况所

委非人而有愚闇阿私之弊乎願略依周漢之規以救

魏晉之失疏奏不納

五月東都霖雨乙卯洛水溢溺

民居千餘家關中先水後旱蝗繼以疾疫米斗四百兩

京間死者相枕於路

枕之任翻

人相食

上既封泰山欲遍

封五嶽秋七月作奉天宮於嵩山南

奉天宮在洛州嵩陽縣

監察

御史裏行李善感諫曰

裏行者資序未至未正除監察御史今於監察御史班裏行也

監古街翻陛下封泰山告太平致羣瑞與三皇五帝比隆矣

數年以來菽粟不稔餓殍相望四夷交侵兵車歲駕陛下

下宜恭默思道以禳災譴

禳加羊翻

乃更廣營宮室勞役不

休天下莫不失望臣忝備國家耳目竊以此為憂上雖

不納亦優容之自褚遂良韓瑗之死

見二百卷顯慶三年四年瑗于翬翊

中外以言為諱無敢逆意直諫幾二十年及善感始諫

天下皆喜謂之鳳鳴朝陽

詩卷阿曰鳳皇鳴矣于彼高岡梧桐生矣于彼朝陽注云

梧桐柔木也山東曰朝陽梧桐不生山岡太平而後生朝陽幾居依翻

上遣宦者緣江

徙異竹欲植苑中宦者科舟載竹所在縱暴過荊州荆

州長史蘇良嗣因之上疏切諫

上時掌翻下同

以為致遠方異

物煩擾道路恐非聖人愛人之意又小人竊弄威福虧

損皇明上謂天后曰吾約束不嚴果為良嗣所怪手詔

慰諭良嗣令弃竹江中良嗣世長之子也

蘇世長見一百八十八卷

高祖武德四年

黔州都督謝祐希天后意逼零陵王明令自

殺

明徙黔州見上卷
永隆元年黔音琴

上深惜之黔府官屬皆坐免官祐

後寢於平閣與婢妾十餘人共處

處昌呂翻

夜失其首垂拱

中明子零陵王俊黎國公傑為天后所殺有司籍其家
得祐首漆為穢器題云謝祐乃知明子使刺客取之也

太子留守京師頗事遊畋薛元超上疏規諫上聞之

遣使者慰勞元超

使疏吏翻
勞力到翻

仍召赴東都吐蕃將論

欽定四庫全書

卷二百三

欽陵寇拓松翼等州

顯慶三年開置拓州遼山郡屬松州都督府宋白作拓曰以開拓為

稱今按新舊書皆作拓翼州本漢蠶陵縣地故城在州西有蠶陵山隋為翼斜縣唐武德元年置翼州隋縣名

唐州取州南

翼水為名

詔左驍衛郎將李孝逸右衛郎將衛蒲山

發秦渭等州兵分道禦之

驍堅堯翻將即亮翻

冬十月丙寅黃

門侍郎劉景先同中書門下平章事

是歲突厥餘黨

阿史那骨篤祿

骨篤祿亦曰骨咄祿頡利族人也雲中郡督舍利元英之部酋世襲吐屯

阿

史德元珍等招集亡散據黑沙城反

杜佑曰阿史德元珍冒知中國風俗

邊塞虛實在單于府檢校降戶部落坐事為單于長史王本立所拘繫會骨咄祿入寇元珍請依舊檢校部落

本立許之因便投骨咄祿骨咄祿得之甚喜以為阿波大達于今專統兵馬事

入寇并州及單

于府之北境

單音蟬

殺嵐州刺史王德茂右領軍衛將軍

檢校代州都督薛仁貴將兵擊元珍於雲州虜問唐大

將為誰應之曰薛仁貴虜曰吾聞仁貴流象州

仁貴以大非川

之敗除名起為雞林道總管復坐事貶象州

死久矣何以給我

給蕩亥翻

仁貴免

胄示之面虜相顧失色下馬列拜稍稍引去仁貴因奮

擊大破之斬首萬餘級捕虜二萬餘人吐蕃入寇河

源軍軍使婁師德將兵擊之於白水澗

白水澗有白水軍注見後使疏

吏翻下同將
即亮翻下同

八戰八捷上以師德為比部員外郎左驍

衛郎將河源軍經略副使曰卿有文武材勿辭也

比音
毗驍

堅堯
翻

弘道元年

是年十二
月改元

春正月甲午朔上行幸奉天宮

二月庚午突厥寇定州刺史霍王元軌擊却之乙亥復

寇媯州

復扶又翻下可
復同媯居為翻

三月庚寅阿史那骨篤祿阿史

德元珍圍單于都護府執司馬張行師殺之遣勝州都

督王本立夏州都督李崇義將兵分道救之太子右

庶子同中書門下三品李義琰改葬父母使其舅氏遷
舊墓上聞之怒曰義琰倚執乃陵其舅家不可復知政
事義琰聞之不自安以足疾乞骸骨庾子以義琰為銀

青光祿大夫致仕

癸丑守中書令崔知溫薨

舊制凡九品已

上職事官皆帶散位謂之本品職事則隨才叙用或去
闕入劇或去高就卑遷徙出入參差不定散位則一切
以門蔭結品然後以勞考進叙武德令職事解散官欠
一階不至為兼職事卑者不解散官貞觀令以職事高
者為守職事卑者為行仍帶散位其欠一階仍舊為兼
或帶散官或為守參而用之其兩職事亦為兼頗相錯
亂咸亨二年始一切為守其欠一階之兼古
念翻其兩職事之兼古悟翻字同音異耳

夏四月

已未車駕還東都

綏州步落稽白鐵余

步落稽稽胡也

埋銅

佛於地中久之艸生其上給其鄉人曰吾於此數見佛

光

給蕩亥翻數所角翻

擇日集衆掘地果得之因曰得見聖佛者

百疾皆愈遠近赴之鐵余以雜色囊盛之數十重得厚

施乃去一囊

盛時征翻重直龍翻施式豉翻去羌呂翻

數年間歸信者衆遂

謀作亂據城平縣自稱光明聖皇帝置百官進攻綏德

大斌二縣

城平及二縣皆屬綏州西魏所置也宋白曰二縣皆漢膚施縣地魏神龜元年置城中縣

隋避諱改為城平大斌縣時理城平縣界魏平故城綏德縣亦膚施地魏大統十二年分上郡南界丘尼谷置

縣歐陽脩曰大城者取稽
胡懷化文武雜半以為名

殺官吏焚民居遣右武衛將

軍程務挺與夏州都督王方翼討之甲申攻拔其城擒

鐵余餘黨悉平

考異曰僉載云延州稽胡又云自號
月光王又云儀鳳中務挺斬平之今從

寶錄五月庚寅上幸芳桂宮

儀鳳二年營紫桂宮於灑
池縣西五里調露二年改

曰避暑宮永淳元年
又改曰芳桂宮

至合璧宮遇大雨而還

乙巳突厥

阿史那骨篤祿等寇蔚州殺刺史李思儉

蔚州時為忠
順軍節度

豐州都督崔智辨將兵邀之於朝那山北

朝丁度集韻
音與邾同牛

頭朝那山在
豐州河北

兵敗為虜所擒朝議欲廢豐州遷其百姓

於靈夏豐州司馬唐休璟

都督府司馬也唐制下部督府長史司馬從五品上

上

言以為豐州阻河為固居賊衝要自秦漢已來列為郡

縣土宜耕牧隋季喪亂

上時掌翻喪息浪翻

遷百姓於寧慶二州

致胡虜深侵以靈夏為邊境貞觀之末募人實之西北

始安今廢之則河濱之地復為賊有

復扶又翻又音如字

靈夏等

州人不安業非國家之利也乃止 六月突厥別部寇

掠嵐州偏將楊玄基擊走之

厥九勿翻將即亮翻

秋七月己丑

立皇孫重福為唐昌王

重直龍翻

庚辰詔以今年十月有

事於嵩山尋以上不豫改用來年正月 甲辰徙相王

輪為豫王更名旦

相息亮翻
更工衡翻

中書令兼太子左庶子

薛元超病瘖乞骸骨許之

瘖於
今翻

八月己丑以將封嵩

山召太子赴東都留唐昌王重福守京師以劉仁軌為
之副冬十月己卯太子至東都 癸亥車駕幸奉天宮

十一月丙戌詔罷來年封嵩山上疾甚故也上苦頭

重不能視召侍醫秦鳴鶴診之

殿中省尚藥局有侍御
醫四人從六品上診止

忍 鳴鶴請刺頭出血可愈

刺七
亦翻

天后在簾中不欲上疾

愈怒曰此可斬也乃欲於天子頭刺血鳴鶴叩頭請命

上曰但刺之未必不佳乃刺百會腦戶二穴

鍼灸經百會一名三

陽五會在前頂後寸半頂中央旋毛中可容五鍼二分得氣即瀉腦戶一名合顛在枕骨上強後寸半禁鍼

今人瘧舊傳鳴鶴鍼微出血頭疼立止

上曰吾目似明矣后舉手加額曰

天賜也自負綵百匹以賜鳴鶴 戊戌以右武衛將軍

程務挺為單于道安撫大使招討阿史那骨篤祿等

詔太子監國

監古街翻

以裴炎劉景先郭正一同東宮平章

事 上自奉天宮疾甚宰相皆不得見丁未還東都百

此其
新制

登州入海追之不及

温州大水

後漢分章安之東甌鄉置永寧

縣屬會稽郡晉分為永嘉郡隋廢郡為永嘉縣屬括州武德五年復於永嘉置嘉州貞觀五年廢嘉州以縣屬

括州上元二年分置温州

流四千餘家

突厥阿史那骨篤祿等寇

朔州

八月庚寅葬天皇大帝于乾陵

乾陵在奉天縣北五里梁山

廟號高宗

初尚書左丞馮元常為高宗所委高宗晚

年多疾每曰朕體中不佳可與元常平章以聞元常嘗

密言中宮威權太重宜稍抑損高宗雖不能用深以其

言為然及太后稱制四方爭言符瑞嵩陽令樊文獻瑞

石太后命於朝堂示百官

朝直
遙翻

元常奏狀涉諂詐不可

誣罔天下太后不悅出為隴州刺史

舊志隴州京師西
四百九十六里至

東都一十一
百三十二里

元常子琮之曾孫也

馮子琮仕
於高齊

丙午太

常卿同中書門下三品武承嗣罷為禮部尚書

栢州

大水流二千餘家

九月甲寅赦天下改元

改元
先宅

旗幟

皆從金色

幟昌
志翻

八品以下舊服青者更服碧

青色之深
者為碧更

工衡
翻

改東都為神都宮名太初又改尚書省為文昌臺

左右僕射為左右相六曹為天地四時六官門下省為

鸞臺中書省為鳳閣侍中為納言中書令為內史御史

臺為左肅政臺增置右肅政臺

左臺專知京師百官及監諸軍旅并承詔出使

右臺專知諸州按察杜佑曰武后置左右肅政臺左以察朝廷右以澄郡縣後廢右臺以其官隸左臺左臺本

御史臺也右臺地今太僕寺是也

其餘省寺監率之名

祕書殿中二省九卿寺少府將

作國子軍器等監東宮十率

悉以義類改之

以左武衛大將軍程

務挺為單于道安撫大使

單音蟬使疏史翻

以備突厥

武承

嗣請太后追王其祖

王子况翻

立武氏七廟太后從之裴炎

諫曰太后母臨天下當示至公不可私於所親獨不見

呂氏之敗乎太后曰呂后以權委生者故及於敗今吾追尊亡者何傷乎對曰事當防微杜漸不可長耳

長知兩翻

太后不從已已追尊太后五代祖克已為魯靖公妣為夫人高祖居常為太尉北平恭肅王曾祖儉為太尉金城義康王祖華為太尉太原安成王考士夔為太師魏

定王獲一號翻祖妣皆為妃裴炎由是得罪又作五代祠堂

於文水

文水縣舊受陽隋開皇十一年更名屬并州

時諸武用事唐宗室人

人自危衆心憤惋

惋烏賁翻

會眉州刺史英公李敬業及弟

曰羽林貞觀中置北衙七營兵選才力驍勇者充龍朔
二年曰左右羽林軍置大將軍各一員將軍各二員品
同諸衛統領北衙禁兵之法今而督攝左右廂飛騎之
儀仗以統諸曹之職取府兵越騎步射以為羽林軍士
大朝會則執仗以衛階陛行幸則
夾馳道為內仗邪音耶禱吁韋翻

廢中宗為廬陵王扶下殿

下選嫁翻

中宗曰我何辜太后曰

汝欲以天下與韋玄貞何得無辜乃幽于別所己未立

雍州牧豫王旦為皇帝

雍於用翻

政事決於太后居睿宗於

別殿不得有所預立豫王妃劉氏為皇后后德威之孫

也

劉德威審禮之父

有飛騎十餘人飲於坊曲

置飛騎見一百九十五卷貞觀

十二年騎
寄奇翻

一人言鄉知別無勲賞不若奉廬陵一人起

出詣北門告之

北門玄武門也

座未散皆捕得繫羽林獄言者

斬餘以知反不告皆絞告者除五品官告密之端自此

興矣 壬子以永平郡王成器為皇太子睿宗之長子

也赦天下改元文明

改嗣聖為文明

庚申廢皇太孫重照為庶

人命劉仁軌專知西京留守事流韋玄貞於欽州

舊志欽州

至京師五千里

太后與劉仁軌書曰昔漢以關中事委

蕭何

見漢高帝紀

今託公亦猶是矣仁軌上疏辭以衰老不

堪居守

守式又翻

因陳呂后禍敗事以申規戒

呂氏禍敗事見漢高后紀

太后使祕書監武承嗣齎璽書慰諭之曰今以皇帝諒

闇不言

璽斯民翻闇音陰

眇身且代親政遠勞勸戒復辭衰疾

復扶又翻

又云呂氏見嗤於後代祿產貽禍於漢朝

朝直遙翻下同

引喻良深愧慰交集公忠貞之操終始不渝勁直之風

古今罕比初聞此語能不罔然靜而思之是為龜鏡况公先朝舊德遐邇具瞻願以匡救為懷無以暮年致請

辛酉太后命左金吾將軍丘神勣詣巴州檢校故太

子賢宅以備外虞其實風使殺之風讀曰諷神勅行恭之子

也丘行恭為將歷事高祖太宗

甲子太后御武成殿唐六典洛陽宮南三門中

曰應天左曰興教右曰光政光政之內曰廣運其北曰明福明福之東曰武成門其內曰武成殿皇帝

帥王公以下上尊號帥讀曰率上時掌翻丁卯太后臨軒遣禮部

尚書武承嗣冊嗣皇帝自是太后常御紫宸殿唐六典洛陽宮

不載紫宸殿以西京大明宮準之紫宸殿內朝也其位置當在乾元殿後施黶紫帳以視朝

紫色之淺者為丁丑以太常卿檢校豫王府長史王

德真為侍中斷中書侍郎檢校豫王府司馬劉禕之同

中書門下三品 三月丁亥徙杞王上金為畢王鄱陽

王素節為葛王 丘神勣至巴州幽故太子賢於別室

逼令自殺

考異曰則天實錄賢死在二月丘神勣往巴州下舊本紀在三月唐歷遣神勣舉哀追

封皆有日今從之

太后乃歸臯於神勣戊戌舉哀於顯福門

顯福

門意即明福門大典避中宗諱改顯為明耳

貶神勣為疊州刺史己亥追封

賢為雍王

雍於用翻

神勣尋復入為左金吾將軍

復扶又翻

夏

四月開府儀同三司梁州都督滕王元嬰薨 辛酉徙

畢王上金為澤王拜蘇州刺史葛王素節為許王拜絳

州刺史 癸酉遷廬陵王于房州丁丑又遷于均州故

濮王宅

即貞觀末濮王泰遷均州所居故宅濮博木翻

五月丙申高宗靈駕

西還

閏月以禮部尚書武承嗣為太常卿同中書門

下三品 秋七月戊午廣州都督路元叡為崑崙所殺

崑崙國在林邑南去交趾海行三百餘日習俗文字與婆羅門同崑盧昆翻

元叡閭懦僚屬

恣橫

橫戶孟翻

有商舶至

舶音白

僚屬侵漁不已商胡訴於元

叡元叡索枷欲繫治之

索山客翻 枷音加

羣胡怒有崑崙袖劍

直登聽事

聽請曰聽

殺元叡及左右十餘人而去無敢近者

此其
新制

登州入海追之不及

温州大水

後漢分章安之東甌鄉置永寧

縣屬會稽郡晉分為永嘉郡隋廢郡為永嘉縣屬括州武德五年復於永嘉置嘉州貞觀五年廢嘉州以縣屬

括州上元二年分置温州

流四千餘家

突厥阿史那骨篤祿等寇

朔州

八月庚寅葬天皇大帝于乾陵

乾陵在奉天縣北五里梁山

廟號高宗

初尚書左丞馮元常為高宗所委高宗晚

年多疾每曰朕體中不佳可與元常平章以聞元常嘗

密言中宮威權太重宜稍抑損高宗雖不能用深以其

言為然及太后稱制四方爭言符瑞嵩陽令樊文獻瑞

石太后命於朝堂示百官

朝直 遙翻

元常奏狀涉諂詐不可

誣罔天下太后不悅出為隴州刺史

舊志隴州京師西 四百九十六里至

東都一十一 百三十二里

元常子琮之曾孫也

馮子琮仕 於高齊

丙午太

常卿同中書門下三品武承嗣罷為禮部尚書

梧州

大水流二千餘家

九月甲寅赦天下改元

改元 光宅

旗幟

皆從金色

幟昌 志翻

八品以下舊服青者更服碧

青色之深 者為碧更

工衡 翻

改東都為神都宮名太初又改尚書省為文昌臺

左右僕射為左右相六曹為天地四時六官門下省為

鸞臺中書省為鳳閣侍中為納言中書令為內史御史

臺為左肅政臺增置右肅政臺

左臺專知京師百官及監諸軍旅并承詔出使

右臺專知諸州按察杜佑曰武后置左右肅政臺左以察朝廷右以澄郡縣後廢右臺以其官隸左臺左臺本御史臺也右臺地今太僕寺是也

其餘省寺監率之名

祕書殿中二省九卿寺少府將

作國子軍器等監東宮十率

悉以義類改之

以左武衛大將軍程

務挺為單于道安撫大使

單音蟬使疏吏翻

以備突厥武承

嗣請太后追王其祖

王子况翻

立武氏七廟太后從之裴炎

課曰太后母臨天下當示至公不可私於所親獨不見

呂氏之敗乎太后曰呂后以權委生者故及於敗今吾

追尊亡者何傷乎對曰事當防微杜漸不可長耳

長知兩翻

太后不從已已追尊太后五代祖克已為魯靖公妣為

大人高祖居常為太尉北平恭肅王曾祖儉為太尉金

城義康王祖華為太尉太原安成王考士護為太師魏

正王護一祖妣皆為妃裴炎由是得罪又作五代祠堂

於丈水

丈水縣舊受陽隋開皇十一年更名屬并州

時諸武用事唐宗室人

人自危衆心憤惋

惋烏賈翻

會眉州刺史英公李敬業及弟

整屋令敬猷

漢武帝置整屋縣屬扶風後漢晉省後魏復置後周置周南郡隋廢郡以整屋縣屬

京兆唐置岐州整屋音舟窰

給事中唐之奇長安主簿駱賓王

唐赤縣主

簿從八品上

詹事司直杜求仁

唐詹事司直正九品上掌彈劾官僚糾舉職事

皆坐

事敬業貶柳州司馬敬猷免官之奇貶括蒼令

漢會稽四浦縣

後漢更名章安先武分章安縣之南鄉置松陽縣隋分松陽之東界置括蒼縣帶括州以括蒼山名縣

賓

王貶臨海丞

吳分章安置臨海縣屬臨海郡隋廢郡以縣屬括州唐分帶台州

求仁貶

黥令

黥縣漢屬丹陽郡吳分屬新安郡隋唐屬歙州黥師古音伊劉胸音畧

求仁正倫之

姪也

杜正倫事太宗高宗

整屋尉魏思溫嘗為御史復被黥

復扶又翻

皆會於揚州

舊志揚州京師東南二千七百五十里至東都一千七百四十九里

各自

以失職怨望乃謀作亂以匡復廬陵王為辭思溫為之

謀主使其黨監察御史薛仲璋求奉使江都

江都縣帶揚州監古

街翻使

令雍州人韋超詣仲璋告變云揚州長史陳敬

之謀反仲璋收敬之繫獄居數日敬業乘傳而至

雍於用翻

侍知

矯稱揚州司馬來之官云奉密旨以高州酋長馮

子猷謀反

酋慈由翻長知兩翻

發兵討之於是開府庫令士曹參

軍李宗臣就錢坊驅囚徒工匠授以甲斬敬之於繫所

考異曰實錄作薛璋御史臺記云薛仲璋矯使揚州與徐敬業等謀反夜與江都令韋知止于茂道計議倉曹參軍閻識徹發之長史陳敬之不察抑識徹令遜謝仲璋佯事竟還出郭門羣官畢從其黨韋超遮道告密復留繫問遂斬敬之今錄事參軍孫處行拒之亦斬以

徇

處音昌
呂翻

僚吏無敢動者遂起一州之兵復稱嗣聖元年

年

復扶又翻
又如字

開三府一曰匡復府二曰英公府三曰揚

州大都督府敬業自稱匡復府上將領揚州大都督

將即

亮翻

以之奇求仁為左右長史宗臣仲璋為左右司馬思

溫為軍師賓王為記室旬日間得勝兵十餘萬

勝音移

檄州縣略曰偽臨朝武氏者

朝直
遙翻

人非溫順地實寒微

昔充太宗下陳

陳列也戰國策
曰美人充下陳

嘗以更衣入侍

衛子夫
以更衣

得幸漢武帝賓王
用此事更工衡翻

洎乎晚節穢亂春宮

東宮亦謂之春
宮洎其寘翻

密隱先帝之私陰圖後庭之嬖踐元后於葦程

葦程后
服也葦

音暉陷吾君於聚麀

記曰夫惟禽獸無禮故
父子聚麀應於求翻

又曰殺姊屠

兄

姊謂韓國夫人兄謂元興元慶
事見二百一卷高宗乾封元年

弑君鴆母

此以高宗
晏駕及太

原王妃之
死為后罪

人神之所同嫉天地之所不容又曰包藏禍

心竊窺神器君之愛子幽之於別宮

謂居睿宗
於別殿

賊之宗

盟委之以重任

謂用武承嗣等

又曰一杯之土未乾

杯蒲侯翻乾音干

六尺之孤安在又曰試觀今日之域中竟是誰家之天

下太后見檄問曰誰所為或對曰駱賓王太后曰宰相

之過也人有如此才而使之流落不偶乎敬業求得人

貌類故太子賢者給衆云賢不死亡在此城中令吾屬

舉兵

給蕩友翻

因奉以號令楚州司馬李崇福帥所部三縣

應敬業

楚州本漢射陽鹽漬縣地晉置山陽郡隋開皇初罷郡十二年置楚州大業初州廢唐初復置

帥讀曰率所部三縣山陽鹽城安宜也

盱眙人劉行舉獨據縣不從敬業

遣其將尉遲昭攻盱眙

盱眙縣漢屬臨淮郡後漢屬下邳國晉安帝分置盱眙郡陳置

北譙州隋廢為縣屬江都郡唐屬楚州盱眙音吁怡其將即亮翻尉紆勿翻

詔以行舉為遊

擊將軍以其弟行實為楚州刺史甲申以左玉鈐衛大

將軍李孝逸為揚州道大總管

是年改左右領軍衛為左右玉鈐衛

將兵

三十萬以將軍李知十馬敬臣為之副以討李敬業

武承嗣與其從父弟右衛將軍三思以韓王元嘉魯王

靈夔屬尊位重

從才用翻二王皆高祖子

屢勸太后因事誅之太后

謀於執政劉祿之韋思謙皆無言

祿吁韋翻

內史裴炎獨固

爭太后愈不悅三思元慶之子也及李敬業舉兵薛仲

璋炎之甥也炎欲示閒暇不及議誅討太后問計於

炎對曰皇帝年長

長知兩翻

不親政事故豎子得以為辭若

太后返政則不討自平矣監察御史藍田崔沆聞之上

言

監古銜翻
上時掌翻

炎受顧託大權在已若無異圖何故請太

后歸政太后命左肅政大夫金城騫味道

左肅政大夫
左御史大夫

也蘭州五泉縣本漢金城縣隋更名高宗咸亨二年復為金城縣風俗通騫姓閔子騫後

侍御史樞

陽魚承曄鞠之

漢高帝改樞陽縣為萬年縣後世因之
至隋並屬京兆唐改隋大興縣曰萬年

以漢萬年縣復曰櫟陽屬華州櫟音樂

収炎下獄

下邳嫁翻考異曰新傳云炎謀乘太后出遊

龍門以兵執之還政天子會火雨太后不出而止若炎實有此謀則太后殺之宜矣且炎有此謀必有同黨當炎下獄崔登李景謨輩無事猶欲陷之况有此迹其同黨能不肯告乎又朝野僉載裴炎為中書令時徐敬業欲反令駱賓王畫計取裴炎同起事實王足踏壁靜思食頃乃為謠曰一片火兩片火緋衣小兒當殿坐教炎莊上小兒誦之并都下小兒皆唱炎乃訪學者令解之召實王數啖以寶物錦綺皆不言又賂以音樂妓女駿馬亦不語乃將古忠臣烈士圖共觀之見司馬宣王賓王歎然起曰此英雄丈夫也即說自古大臣執政多移社稷炎大喜賓王曰但不知謠識如何耳炎告以謠言片火緋衣之事賓王即下北而拜曰此真人矣遂與敬業等合謀揚州兵起炎從內應書與敬業等合謀唯有青鵝字人有告者朝臣莫之能解則天曰此青字者

十二月鶴字者我自與也遂誅炎此皆當時構陷炎者所言耳非其實也

炎被收辭氣不屈

或勸炎遜辭以免炎曰宰相下獄安有全理

下遜嫁

鳳

閣舍人李景謚證炎必反

鳳閣舍人中書舍人也謚氏士翻

劉景先及

鳳閣侍郎義陽胡元範

義陽舊曰平陽隋開皇初改曰義陽劉昫曰義陽漢平氏縣之

義陽鄉也魏分南陽置義陽郡晉自石城徙居仁順今中州理所是也

皆曰炎社稷元臣

有功於國悉心奉上天下所知臣敢明其不反太后曰

炎反有端顧卿不知耳對曰若裴炎為反則臣等亦反

也太後曰朕知裴炎反知卿等不反文武間證炎不反

者甚衆太后皆不聽俄并景先元範下獄丁亥以騫味

道檢校內史同鳳閣鸞臺三品李景諶同鳳閣鸞臺平

章事

魏思溫說李敬業曰

說輸芮翻

明公以匡復為辭宜

帥大衆鼓行而進直指洛陽

帥讀曰率

則天下知公志在勤

王四面響應矣薛仲璋曰金陵有王氣且大江天險足

以為固不如先取常潤

潤州江左為京口重鎮隋為延陵縣屬江都郡唐武德三年置

潤州取潤浦以為州名

為定霸之基然後北向以圖中原進無不

利退有所歸此良策也思溫曰山東豪傑以武氏專制

憤惋不平

悅高
貫細

聞公舉事皆自蒸麥飯為糧伸鋤為兵

以俟南軍之至不乘此執以立大功乃更蓄縮自謀巢

穴遠近聞之其誰不解體敬業不從使唐之奇守江都

將兵度江攻潤州

按舊志揚州至潤州四十八里潤州古朱方之地漢為丹徒縣吳為京口

置京督以鎮又為徐陵督爾雅絕高曰京其城因山為壘緣江為境因謂之京口晉為南徐州隋置潤州取州

東潤浦為名尋廢州唐復置

思溫謂杜求仁曰兵執合則疆分則弱

敬業不并力度淮收山東之眾以取洛陽敗在眼中矣

壬辰敬業陷潤州執刺史李思文

考異曰唐紀云李思文拒守四十餘日

而陷按敬業九月丁丑起兵十一
月庚申敗纔四十四日耳今不取以李宗臣代之思丈

敬業之叔父也知敬業之謀先遣使間道上變使疏吏

覓翻上為敬業所攻拒守久之力屈而陷思溫請斬以時掌翻

徇敬業不許謂思丈曰叔黨於武氏宜改姓武潤州司

馬劉延嗣不降降江戶敬業將斬之思溫救之得免與思

丈皆囚於獄中延嗣審禮從父弟也劉審禮戰沒於曲

阿令河間尹元貞引兵救潤州曲阿縣本雲陽秦始皇

郡後漢屬吳郡晉屬晉陵郡隋屬江都郡唐屬潤州河間漢州鄉縣地屬丞部隋為河間縣屬瀛州戰敗

為敬業所擒臨以白刃不屈而死 丙申斬裴炎于都

亭

洛陽都亭

炎將死顧兄弟曰兄弟官皆自致炎無分毫之

力今坐炎流竄不亦悲乎籍没其家無甌石之儲

甌都

劉景先貶普州刺史胡元範流瓊州而死

舊志瓊州至兩京與崖州

道里相類

裴炎弟子太僕寺丞佺先

佺直又翻

年十七上封事請

見言事太后召見詰之曰汝伯父謀反尚何言佺先曰

臣為陛下畫計耳

上時掌翻見賢遍翻詰去吉翻為于偽翻

安敢訴寬陛下

為李氏婦先帝棄天下遽攬朝政

朝直逆翻

變易嗣子踈斥

李氏封崇諸武臣伯父忠於社稷反誣以臯戮及子孫
陛下所為如是臣實惜之陛下早宜復子明辟高枕深

居則宗族可全不然天下一變不可復救矣

枕之任翻
復扶又翻

太后怒曰胡白

胡何也白陳也
言何等陳白也

小子敢發此言命引出

佻先反顧曰今用臣言猶未晚如是者三太后命於朝

堂杖之一百長流灤州

貞觀十二年李弘節遣欽州首
領寧師古尋劉方故道行達交

趾開拓夷獠置灤州取灤水以名州也舊志曰灤州無
兩京地里北至容州二百八十二里容州至京師五千

九百一十里至東都五千
四百八十五里濃而章翻

炎之下獄也郎將姜嗣宗使

至長安劉仁軌問以東都事嗣宗曰嗣宗覺裴炎有異

於常久矣仁軌曰使人覺之邪嗣宗曰然仁軌曰仁軌

有奏事願附使人以聞

下遊嫁翻將即亮翻
使疏吏翻邪音耶

嗣宗曰諾

明日受仁軌表而還表言嗣宗知裴炎反不言太后覽

之命拉嗣宗於殿庭絞於都亭

先拉其幹而後絞殺之
還從宣翻又音如字拉

盧合

丁酉追削李敬業祖考官爵發冢斲棺復姓徐

氏李景謏罷為司賓少卿

是年改鴻臚為司賓
謏氏壬翻少始照翻

以右

史武康沈君諒著作郎崔晉為正諫大夫同平章事

徐敬業聞李孝逸將至自潤州回軍拒之屯高郵之下

阿溪

高郵縣漢屬廣陵國魏省晉武帝復置梁置廣業郡隋廢郡以高郵縣屬江都郡唐屬揚州九域志

在州西北一百里宋白曰揚州天長縣本廣陵縣地唐開元二十九年於下阿置千秋縣天寶五年改天長梁

曾於石梁置涇州以此言之蓋下阿溪即今石梁河也

使徐敬猷逼淮陰

淮陰縣漢屬臨

淮郡晉屬廣陵郡後魏置淮陰郡隋廢入山陽縣乾封元年分山陽復置屬楚州

別將韋超尉

遲昭屯都梁山

盱眙縣有都梁山將即亮翻下同尉紆勿翻

李孝逸軍至臨

淮

臨淮泗州

偏將雷仁智與敬業戰不利孝逸懼按兵不進

殿中侍御史魏元忠謂孝逸曰天下安危在茲一舉四

方承平日久忽聞狂狡注心傾耳以俟其誅今大軍久

留不進遠近失望萬一朝廷更命它將以代將軍

將即亮翻

更工衛翻

將軍何辭以逃逗撓之臯乎

逗音豆撓奴教翻

孝逸乃引

軍而前壬寅馬敬臣擊斬尉遲昭於都梁山十一月辛

亥以左鷹揚大將軍黑齒常之為江南道大總管討敬

業

是年改左右武衛為左右鷹揚衛

韋超擁眾據都梁山諸將皆曰超

憑險自固士無所施其勇騎無所展其足且窮寇死戰

攻之多殺士卒不如分兵守之大軍直趣江都覆其巢

穴支度使薛克揚曰

唐制凡天下邊軍有支度使以計軍資糧仗之用所費皆申度支會

計以長行旨為準趣七俞翻使疏吏翻

超雖據險其衆非多今多留兵則

前軍勢分少留兵則終為後患

少詩沼翻

不如先擊之其執

必舉舉都梁則淮陰高郵望風瓦解矣魏元忠請先擊

徐敬猷諸將曰不如先攻敬業敬業敗則敬猷不戰自

擒矣若擊敬猷則敬業引兵救之是腹背受敵也元忠

曰不然賊之精兵盡在下阿烏合而來利在一決萬一

失利大事去矣敬猷出於博徒不習軍事其衆單弱人

情易搖易以大軍臨之駐馬可克敬業雖欲救之計程

必不能及我克敬猷乘勝而進雖有韓白不能當其鋒

矣今不先取弱者而遽攻其彊非計也孝逸從之引兵

擊超超夜遁進擊敬猷猷脫身走庚申敬業勒兵阻

溪拒守後軍摠管蘇孝祥夜將五千人以小舟度溪先

擊之兵敗孝祥死士卒赴溪溺死者過半將即亮翻溺

翻未左豹韜衛果毅漁陽成三朗為敬業所擒是年改左

左右豹韜衛唐制諸府各有果毅都尉上府唐之奇給

其衆曰

始蕩亥翻

此李孝逸也將斬之三朗大呼曰

呼火故翻

我

果毅成三朗非李將軍也官軍今大至矣爾曹破在朝

夕我死妻子受榮爾死妻子籍沒爾終不及我也遂斬

之孝逸等諸軍繼至戰數不利孝逸懼欲引退魏元忠

與行軍管記劉知柔言於孝逸曰風順荻乾

數所角翻乾音干

此火攻之利固請決戰敬業置陳既久士卒多疲倦顧

望陳不能整孝逸進擊之因風縱火敬業大敗斬首七

千級溺死者不可勝紀

陳讀曰陣勝音升

敬業等輕騎走入江

都挈妻子奔潤州將入海奔高麗麗力知翻孝逸進屯江都

分遣諸將追之乙丑敬業至海陵界阻風海陵縣漢屬臨淮後漢晉

屬廣陵梁置海陵郡隋廢郡為縣屬江都郡唐屬揚州今為泰州九域志揚州東至海陵界九十八里又自海

陵東至海一百七里其將王那相斬敬業敬猷及駱賓王首來降

考異曰唐紀初官軍逆風不利俄而風回甚勁孝逸縱火賊恩燒而潰敬業猷之奇求仁賓王走歸江都焚簿書攜妻子潛蒜山下手書召宗臣敬業初與宗臣木契為約時亡其契宗臣疑而不赴或云宗臣已歸順敬業入海欲奔東夷至五陵界阻風偽將王那相斬之來降餘黨赴水死今從實錄唐統紀餘黨唐之

奇魏思溫皆捕得傳首神都揚潤楚三州平

陳嶽論曰敬業苟能用魏思溫之策直指河洛專以匡復為事縱軍敗身戮亦忠義在焉而妄希金陵王氣是真為叛逆不敗何待

敬業之起也使敬猷將兵五千循江西上

將即亮翻上時掌翻

略

地和州前弘文館學士歷陽高子貢帥鄉里數百人拒

之敬猷不能西以功拜朝散大夫成均助教

歷陽縣漢屬九江郡

晉置歷陽郡暨至北齊與梁通和置和州隋唐因之右改國子監為成均監按唐六典弘文館以五品以上為學士國子助教則從六品上耳掌佐博士分經以教授朝散大夫從五品下帥讀曰率朝直遙翻散悉賣翻

丁卯郭待舉罷為左庶子以鸞臺侍郎韋方質為鳳

閣侍郎同平章事方質雲起之孫也

韋雲起仕隋唐之間

十二

月劉景先又貶吉州負外長史郭待舉貶岳州刺史

岳州

京師東南二千二百三十七里至東都一千八百一十六里

初裴炎下獄單于道安

撫大使左武衛大將軍程務挺密表申理由是忤旨

下

嫁翻單音蟬使疏吏翻忤五故翻

務挺素與唐之奇杜求仁善或譖之

曰務挺與裴炎徐敬業通謀癸卯遣左鷹揚將軍裴紹

業即軍中斬之

考異曰唐統紀曰既而太后震怒召羣臣謂曰朕於天下無負羣臣皆知之

乎羣臣曰唯太后曰朕事先帝二十餘年夏天下至矣
公卿富貴皆朕與之天下安樂朕長養之及先帝崩羣
臣以天下託顧於朕不愛身而愛百姓今為戎首皆出
於將相羣臣何負朕之深也且卿輩有受遺老臣屈彊
難制過裴炎者乎有將門貴種能糾合亡命過徐敬業
者乎有握兵宿將攻戰必勝過程務挺者乎此三人者
人望也不利於朕朕能戮之卿等有能過此三者當即
為之不然須革心事朕無為天下笑羣臣頓首不敢仰
視曰唯太后所使恐武后亦不至輕濫如此今不取

籍沒其家突厥聞務挺死所
在宴飲相慶又為務挺立祠為于每出師必禱之太后

以夏州都督王方翼與務挺連職素相親善且廢后近

屬徵下獄

夏戶雅翻
下避嫁翻

流崖州而死

舊志崖州至京師七
十四百六十里至東

都六千
三百里

垂拱元年春正月丁未朔赦天下改元 太后以徐思

丈為忠特免緣坐拜司僕少卿

緣坐者緣親黨而坐罪也先宅改太僕為司僕

謂曰敬業改卿姓武朕今不復奪也

復扶又翻 考異曰實錄云思文表

請改姓武許之蓋太后有此言思文因請之也今從唐紀

庚戌以騫味道守內史

內史中書令

戊辰文昌左相同鳳閣鸞臺三品樂城文獻

公劉仁軌薨

文昌左相即尚書左僕射

二月癸未制朝堂所置登

聞鼓及肺石

登聞鼓在西朝堂肺石在東朝堂朝直遙翻

不須防守有過鼓

立石者令御史受狀以聞

通則
瓜翻

乙巳以春官尚書武

承嗣秋官尚書裴居道

先宅以禮部為春官刑部為
秋官尚辰羊翻嗣祥吏翻

右

肅政大夫韋思謙

右肅政大夫
右御史大夫

並同鳳閣鸞臺三品

突厥那史那骨篤祿等數寇邊以左玉鈐衛中郎將淳

于處平為陽曲道行軍總管擊之

厥九勿翻數所角翻
鈐其廉翻將即亮翻

處昌呂翻陽曲縣自漢以來屬太原郡隋惡其名改曰
陽直武德三年分置汾陽縣七年省陽直縣改汾陽為

陽曲縣仍
移治陽直

正諫大夫同平章事沈君諒罷 三月正

諫大夫同平章事崔晉罷

丙辰遷廬陵王于房州

舊志

房州京師南一千一百九十五里至東都一千一百八十五里杜佑曰房州古麋庸二國之地春秋楚子敗麋師於房渚即此曹魏為新城郡竹山縣則古庸國秦漢之上庸縣也

辛酉武承嗣罷

辛未頌垂拱格 朝士有左遷詣宰相自訴者內史竊

味道曰此太后處分

朝直遙翻處昌呂翻分扶問翻

同中書門下三品

劉禕之曰緣坐改官由臣下奏請太后聞之夏四月丙

子貶味道為青州刺史加禕之太中大夫

太中大夫從四品上劉禕

之本職豫王府司馬 謂侍臣曰君臣同體豈得歸惡於王府司馬從四品下

君引善自取乎 癸未突厥寇代州淳于處平引兵救

之至忻州為突厥所敗

敗補邁翻

死者五千餘人

丙午以

裴居道為內史納言王德真流象州

象州至京師四千里九百八十九里

己酉以冬官尚書蘇良嗣為納言

光宅改工部為冬官

壬戌

制內外九品以上及百姓咸令自舉

令有才者咸得自言以求進用令力

丁翻

壬申韋方質同鳳閣鸞臺三品

六月天官尚書

韋待價同鳳閣鸞臺三品

光宅改吏部為天官

待價萬石之兄也

同羅僕固等諸部叛遣左豹韜衛將軍劉敬同發河

西騎士出居延海以討之

甘州刪丹縣北渡張掖河西北行出合黎山峽口傍河東

孺屈曲東北行千里有寧寇軍
軍東北有居延海騎奇寄翻

同羅僕固等皆敗散救

僑置安北都護府於同城以納降者

同城即刪丹之同
城守捉天寶二載

改為寧寇軍
降戶江翻

秋七月己酉以文昌左丞魏玄同為鸞

臺侍郎同鳳閣鸞臺三品

文昌左丞即
尚書左丞

詔自今祀天

地高祖太宗高宗皆配坐

坐祖
臥翻

用鳳閣舍人元萬頃等

之議也

九月丁卯廣州都督王果討反獠平之

獠曾
皓翻

冬十一月癸卯命天官尚書韋待價為燕然道行軍

大摠管以討吐蕃

燕因肩翻吐
從嗽入聲

初西突厥興督亡繼往

絕可汗既死十姓無主部落多散亡太后乃擢興替亡

之子左豹韜衛翊府中郎將元慶

唐諸衛皆有翊府中郎將郎將將即亮翻

為左玉鈐衛將軍兼崑陵都護襲興昔亡可汗押五咄

陸部落

鈴其廉翻可從列入聲汗音寒咄當沒翻

麟臺正字射洪陳子昂

光宅改秘書省為麟臺正字正九品下掌刊正文字射洪縣屬梓州漢鄠縣地後魏分置射洪縣以婁縷灘東六里有射洪魏訛為射洪上疏以為朝廷遣使巡察四方不可任

非其人

上時掌翻使疏吏翻下同

及刺史縣令不可不擇比年百姓

疲於軍旅不可不安

比訛王翻

其略曰夫使不擇人則黜陟

不明刑罰不中

夫音扶中
竹仲翻

朋黨者進貞直者退徒使百

姓修飾道路送往迎來無所益也諺曰欲知其人觀其

所使不可不慎也又曰宰相陛下之腹心刺史縣令陛

下之手足未有無腹心手足而能獨理者也又曰天下

有危機禍福因之而生機靜則有福機動則有禍百姓

是也百姓安則樂其生

樂音洛

不安則輕其死輕其死則

無所不至祇逆乘釁天下亂矣

扶於
喬翻

又曰隋煬帝不知

天下有危機而信貪佞之臣冀收夷狄之利卒以滅亡

卒子
恤翻

其為殷鑒豈不大哉 太后修故白馬寺以僧懷

義為寺主

姚思廉曰漢明帝時西域以白馬負佛經送洛因立白馬寺魏收曰漢立白馬寺於洛城

雍闕西按此故洛城也
唐之洛城乃隋所遺

懷義鄆人

鄆音戶

本姓馮名小寶

賣藥洛陽市因千金公主以進

千金公主
高祖女

得幸於太后

太后欲令出入禁中乃度為僧名懷義又以其家寒微

令與駙馬都尉薛紹合族命紹以季父事之

薛紹尚后
女太平公

主出入乘御馬宦者十餘人侍從

從才
用翻

士民遇之者皆

奔避有近之者

近其
斬翻

輒撻其首流血

撻其
水翻

委之而去任

其生死見道士則極意毆之仍斃其髮而去朝貴皆匍

匍禮謁

毆烏口翻朝直遙翻
匍薄乎翻匍蒲比翻

武承嗣武三思皆執僮僕

之禮以事之為之執轡

為于
偽翻

懷義視之若無人多聚無

賴少年度為僧縱橫犯法

少詩照翻
橫下五翻

人莫敢言右臺御

史馮思勛屢以法繩之

右臺右肅
政臺也

懷義遇思勛於途令

從者毆之幾死

幾居
依翻

二年春正月太后再下詔復政於皇帝睿宗知太后非誠

心奉表固讓太后復臨朝稱制

復扶又翻
朝直遙翻

辛酉赦天下

二月辛未朔日有食之 右衛大將軍李孝逸既克

徐敬業聲望甚重武承嗣等惡之數譖於太后左遷施

州刺史

惡烏路翻數所角翻施州漢巫縣地吳分巫立沙渠縣後周於縣置施州隋廢州為清江郡唐

復置施州在京師南二十七百九里至東都二千八十一十里

三月戊申太后命鑄

銅為甌

甌右消翻

其東曰延恩獻賦頌求仕進者投之南曰

招諫言政得失者投之西曰仲寬有寬抑者投之北曰

通玄言天象災變及軍機祕計者投之

四甌各依其方色

命正

諫補闕拾遺一人掌之

正諫即諫議大夫也垂拱元年置左右補闕各一人從七品上

左右拾遺各一人從八品上掌供奉諷諫行
立次左右史之下左屬門下省右屬中書省
先責識官

識官猶今
之保識
乃聽投表疏
疏所
去翻
徐敬業之反也侍御史魚

承曄之子保家教敬業作刀車及弩敬業敗僅得免太

后欲周知人間事保家上書請鑄銅為匱以受天下密

奏上時其器共為一室中有四隔上各有竅以受表疏

可入不可出太后善之
考異曰統紀唐歷皆云八月

野僉載作魚思咥云上欲作懸召工匠無人作得者
思咥應制為之甚合規矩遂用之今從御史臺記
未

幾其怨家投匱
怨於元翻
錢居豈翻
告保家為敬業作兵器殺傷

官軍甚衆遂伏誅

為子偽翻

太后自徐敬業之反疑天下人

多圖已又自以久專國事且內行不正

行下孟翻

知宗室大

臣怨望心不服欲大誅殺以威之乃盛開告密之門有

告密者臣下不得問皆給驛馬

唐制乘傳日四驛乘驛日六驛凡給馬者一品

八匹二品六匹三品五匹四品五品四匹六品三匹七品以下二匹給傳乘者一品十馬二品九馬三品八馬四品五品四馬六品七品二馬八品九品一馬三品已上敕召者給四馬五品三馬六品已下有差一驛三十

里供五品食

唐六典四品五品常食料七盤每日細米二升麩二升三合酒一升半羊肉三分瓜

兩顆鹽豉葱薑葵韭之屬各有差新唐志五品食料雜用錢月六百

使詣行在雖農夫樵

人皆得召見廩於客館

客館屬鴻臚寺典客令廩者廩給之見賢通翻

所言或

稱旨則不次除官

稱尺證翻

無實者不問於是四方告密者

蜂起人皆重足屏息

重直龍翻屏必邪翻

有胡人索元禮

索蘇各翻矢口

太后意因告密召見擢為游擊將軍令案制獄

見賢通翻令力

丁翻元禮性殘忍推一人必令引數十百人太后數召見

賞賜以張其權

數所角翻張知亮翻

於是尚書都事長安周興

唐高

書都省有都事管諸司主事令史尚辰羊翻

萬年人來俊臣之徒效之紛紛

繼起興累遷至秋官侍郎俊臣累遷至御史中丞相與

私畜無賴數百人

高呼 玉翻

專以告密為事欲陷一人輒令

數處俱告事狀如一俊臣與司刑評事洛陽萬國俊

光宅

改大理為司刑評事
從八品掌出使推劾

共撰羅織經數千言教其徒網羅

無辜織成反狀構造布置皆有支節太后得告密者輒

令元禮等推之競為訊囚酷法有定百脉突地吼死豬

愁求破家反是實等名號或以椽闕手足而轉之謂之

鳳皇曬翅或以物絆其腰引枷向前謂之驢駒拔擷

椽重

緣翻 臘所賣翻 絆

或使跪捧枷累斃其上謂之仙人獻

博慢翻 擷其月翻

果或使立高木引枷尾向後謂之玉女登梯或倒懸石

縋其首或以醋灌鼻或以鐵圈較其首而加楔枷音加

覺扶歷

翻縋馳偽翻團丘負翻較至有腦裂髓出者每得囚輒

呼角翻急來也楔先結翻

先陳其械具以示之皆戰栗流汗望風自誣每有赦令

俊臣輒令獄卒先殺重囚然後宣示太后以為忠益寵

任之中外畏此數人甚於虎狼麟臺正字陳子昂上疏

上時掌翻以為執事者疾徐敬業首亂唱禍將息姦源

疏所據翻

窮其黨與遂使陛下大開詔獄重設嚴刑有迹涉嫌疑

辭相逮引莫不窮捕考案至有姦人熒惑乘險相誣糾
告疑似冀圖爵賞恐非伐罪弔人之意也臣竊觀當今
天下百姓思安久矣故揚州搆逆殆有五旬而海內晏
然纖塵不動陛下不務玄默以救疲人而反任威刑以
失其望臣愚暗昧竊有大惑伏見諸方告密囚累百千
輩及其窮竟百無一實陛下仁恕又屈法容之遂使奸
惡之黨快意相讐睚眦之嫌即稱有密一人被訟
被皮義翻
百人滿獄使者推捕冠蓋如市或謂陛下愛一人而害

百人天下喁喁

喁魚容翻

莫知寧所臣聞隋之末代天下猶

平楊玄感作亂不踰月而敗天下之弊未至土崩蒸人

之心猶望樂業

蒸人猶蒸民也避太宗諱改民為人樂音洛

煬帝不悟遂使

兵部尚書樊子蓋專行屠戮大窮黨與海內豪士無不

罹殃遂至殺人如麻流血成澤

事見一百八十二卷大業九年

天下靡

然始思為亂於是雄傑並起而隋族亡矣夫大獄一起

不能無濫寬人吁嗟感傷和氣羣生癘疫水旱隨之人

既失業則禍亂之心怵然而生矣古者明王重慎刑法

蓋懼此也昔漢武帝時巫蠱獄起使太子奔走兵交宮闕無辜被害者以千萬數宗廟幾覆賴武帝得壺關三

老書廓然感悟夷江充三族

事見二十二卷漢武帝征和二年三年幾居依翻

餘獄不論天下以安爾古人云前事之不忘後事之師

史記太史公之言

伏願陛下念之太后不聽夏四月太后鑄

大儀置北闕

北闕蓋在玄武門外

以岑長倩為內史六月辛未

以蘇良嗣為左相同鳳閣鸞臺三品韋待價為右相己卯以韋思謙為納言蘇良嗣遇僧懷義於朝堂懷義偃

蹇不為禮良嗣大怒命左右捽曳批其頰數十

捽昨沒
翻批蒲

列翻擊也
又匹迷翻

懷義訴於太后太后曰阿師當於北門出入

阿烏
萬翻

南牙宰相所往來勿犯也太后託言懷義有巧思

思相
吏翻

故使入禁中營造補闕長社王求禮上表

長社漢
縣隋改

曰韻川武德四年復
舊帝許州上時掌翻

以為太宗時有羅黑黑善彈琵琶

太宗聞為給使使教宮人陛下若以懷義有巧性欲宮

中驅使者臣請闈之庶不亂宮闈表寢不出 秋九月

丁未以西突厥繼往絕可汗之子斛瑟羅為右玉鈐衛

將軍襲繼往絕可汗押五弩失畢部落 己巳雍州言

新豐縣東南有山踊出

雍於用翻 二月今從實錄

考異曰統紀在十 程大昌曰武

后改新豐為慶山縣其說曰時因雷雨踊出一山故取以為名而其何以輒湧也不言其以也此即在位小人共加傳會也至兩京道里志則言其詳矣曰慶山踊出初時六七尺漸高至三百尺則非一旦驟為三百尺也自六七尺日日累增至三百尺是積力為之非一夜雷雨頓能突兀如許也此為人力所成大不難見 改

新豐為慶山縣

新豐自漢以來屬京兆

四方畢賀江陵人俞丈俊

上書

江陵縣帶荊州

天氣不和而寒暑併人氣不和而疣贅生

地氣不和而埶阜出

疣音尤贅之尚 翻埶都回翻

今陛下以女主處

陽位反易剛柔故地氣塞隔

塞悉則翻
處昌呂翻

而山變為災陞

下謂之慶山臣以為非慶也臣愚以為宜側身修德以

答天譴不然殃禍至矣太后怒流於嶺外後為六道使

所殺

六道使見後二百五卷
長壽二年使疏吏翻

突厥入寇左鷹揚衛大

將軍黑齒常之拒之至兩井遇突厥三千餘人見唐兵

皆下馬擐甲常之以二百餘騎衝之

擐音宦騎
奇寄翻

皆弃甲

走日暮突厥大至常之令營中然火東南又有火起虜

疑有兵相應遂夜遁狄仁傑為寧州刺史右臺監察


御史晉陵郭翰巡察隴右所至多所按劾

監古銜翻
戶槩翻又戶

得入寧州境耆老歌刺史德美者盈路翰薦之於朝

直朝

遙徵為冬官侍郎



資治通鑑卷二百三

欽定四庫全書

史部

資治通鑑卷二百四

詳校官修撰臣錢 榮

洗馬_臣王坦修覆勘

總校官知縣臣楊懋珩

校對官中書臣嵇承志

謄錄監生臣張元功

欽定四庫全書

資治通鑑卷二百四

宋 司馬光 撰

胡三省 音註

唐紀二十

起彊圉大淵獻盡
重光單閼凡五年

則天順聖皇后上之下

垂拱三年春閏正月丁卯封皇子成美為恒王

睿宗時
為帝故

成美等皆稱皇子恒戶登嗣 考異曰
唐歷舊本紀新傳皆作成我今從實錄隆基為楚王隆

範為衛王隆業為趙王 二月丙辰突厥骨篤祿等寇

昌平

昌平後漢縣屬廣陽國
隋屬涿郡唐屬幽州

命左鷹揚大將軍黑齒常

之帥諸軍討之

帥讀曰率

三月乙丑納言韋思謙以太中

大夫致仕 夏四月命蘇良嗣留守西京

守式又翻考異曰實錄

新舊本紀統紀皆無良嗣

時尚方監裴匪躬檢校京苑

先宅改少府監為尚方監京苑西京之苑

將鬻苑中蔬果以收其利良嗣曰

昔公儀休相魯猶能拔葵去織婦

董仲舒曰公儀休相魯之其家見織帛怒

而出其妻食於舍而茹葵愠而拔其葵曰吾已食祿又奪園大紅女利乎相息亮翻去菴呂翻

未聞萬

乘之主鬻蔬果也

乘繩證翻

乃止

壬戌裴居道為納言五

月丙寅夏官侍郎京兆張光輔為鳳閣侍郎同平章事

鳳閣侍郎同鳳閣鸞臺三品劉禕之竊謂鳳閣舍人

永年賈大隱曰

永年漢本曲梁縣魏為廣平郡治所隋廢郡為廣平縣後改為雞澤仁壽元年

改曰永元避太子廣諱也唐帶沼州

太后既廢昏立明安用臨朝稱制

朝

送翻

不如返正以安天下之心大隱密奏之太后不悅謂

左右曰禕之我所引

劉禕之自北門學士至為相故云然

乃復叛我或誣

禕之受歸誠州都督孫萬榮金

貞觀二十一年以契丹別部置歸誠州屬松漠

都督府復扶又反

又與許敬宗妾有私太后命肅州刺史王本

立推之本立宣勅示之禕之曰不經鳳閣鸞臺何名為

勅太后大怒以為拒捍制使

使疏
吏翻

庚午賜死于家禕之

初下獄睿宗為之上疏申理

下退嫁翻為音于
偽翻上時掌翻

親友皆

賀之禕之曰此乃所以速吾死也臨刑沐浴神色自若

自草謝表立成數紙麟臺郎郭翰

先宅改祕書
郎為麟臺郎

太子文

學周思鈞

太子宮司經局有太子文學
三人正六品掌侍奉文章

稱歎其文太后

聞之左遷翰巫州司法思鈞播州司倉

貞觀八年以辰
州龍標縣置丞

州九年以隋牂柯郡牂柯縣置播州萬志巫州京師南
四十一百九十七里東都二千九百里播州京師南四

千四百五十里東都
四十九百六十里

秋七月壬辰魏玄同檢校納言

嶺南俚戶舊輸半課交趾都護劉延祐使之全輸俚

戶不從延祐誅其魁首其黨李思慎等作亂攻破安南

府城

高宗調露元年改交州都督府為安南都護府俚音里

殺延祐桂州司馬曹

玄靜將兵討思慎等斬之

將即亮翻考異曰舊書馮元常傳云元常自眉州刺史

轉廣州都督屬安南首領李嗣仙殺都督劉延祐割陷州縣勅元常誅之帥士卒濟南海先馳檄示以威恩諭以禍福嗣仙徒黨多相帥歸降因縱兵誅其魁首安慰吾人而旋今從實錄

突厥骨篤祿

元珍寇朔州遣燕然道大摠管黑齒常之擊之

燕因以

左鷹揚大將軍李多祚為之副大破突厥於黃花堆

意即

黃水堆按朔州有黃花堆在神武川

追奔四十餘里突厥皆散走磧北

走音

奏磧七迹翻

多祚世為靺鞨酋長

靺鞨音末曷酋慈由翻長知兩翻

以軍功

得入宿衛黑齒常之每得賞賜皆分將士有善馬為軍

士所損官屬請答之常之曰奈何以私馬答官兵乎卒

不問

卒子恤翻

九月己卯虢州人楊初成詐稱郎將

將即亮翻

下同矯制於都市募人迎廬陵王於房州事覺伏誅

冬

十月庚子右監門衛中郎將震寶壁與突厥骨篤祿元

珍戰全軍皆沒寶璧輕騎遁歸

監古術翻
騎奇寄翻

寶璧見黑齒

常之有功表請窮追餘寇詔與常之計議遙為聲援寶

璧欲專其功不待常之引精卒萬三千人先行出塞二

千餘里掩擊其部落既至又先遣人告之使得嚴備與

戰遂敗太后誅寶璧改骨篤祿曰不卒祿

卒子
恤翻

命魏

玄同留守西京

守子
又翻

武承嗣又使人誣李孝逸自云

名中有兔兔月中物當有天分

謂有分為天
子分扶問翻

太后以孝

逸有功十一月戊寅減死除名流儋州而卒

儋州舊儋
耳郡武德

五年置儋州舊志儋州至京師七千四百四十二里僖
徒甘翻卒于恆翻 考異曰新紀天授元年殺梁公李

孝逸孝逸初封梁郡公以平徐敬業功改封吳國公垂
拱三年減死除名配流儋州當削爵矣新傳云流儋州

崇紀傳自相違唐歷云四月十一日誅益州長史李孝
逸亦舊任也統紀誅李孝逸并其黨崔元昉裴安期唐

歷并其黨崔知賢董元昉裴
安期等今從實錄及舊傳 太后欲遣韋待價將兵

擊吐蕃

考異曰實錄十二月丙辰命待價為安息道
大總管督二十六總管以討吐蕃不言師出勝

敗如何至永昌元年五月又云命待價擊吐蕃七月
敗於寅識迦河按本傳不云兩魯將兵今刪此事 鳳

閣侍郎韋方質奏請如舊制遣御史監軍
監古 太后曰

古者明君遣將聞外之事悉以委之比聞御史監軍
此比

至翻

軍中事無大小皆須承稟以下制上非令典也且何以責其有功遂罷之是歲天下大飢山東關內尤甚

四年春正月甲子於神都立高祖太宗高宗三廟四時

享祀如西廟之儀

西廟西京宗廟也

又立崇先廟以享武氏祖

考太后命有司議崇先廟室數司禮博士周悰請為七

室

先宅改太常曰司禮史言周悰之請希旨迎合

又減唐太廟為五室春官侍

郎賈大隱奏禮天子七廟諸侯五廟百王不易之義今

周悰別引浮議廣述異聞直崇臨朝權儀

朝直

不依國

家常度皇太后親承顧託光顯大猷其崇先廟室應如諸侯之數國家宗廟不應輒有變移太后乃止 太宗

高宗之世屢欲立明堂諸儒議其制度不決而止及太

后稱制獨與北門學士議其制不問諸儒諸儒以為明

堂當在國陽丙巳之地三里之外七里之內太后以為

去宮太遠二月庚午毀乾元殿於其地作明堂以僧懷

義為之使

使疏
史綱

凡役數萬人

夏四月戊戌殺太子通

事舍人郝象賢

唐制太子通事舍人正七品下
掌導引宮臣辭見及勞問之事

象賢處

俊之孫也初太后有憾於處俊

上元二年
諫高宗

會奴誣告象

賢反太后命周興鞠之致象賢族罪象賢家人詣朝堂

訟寃於監察御史樂安任玄殖

樂安郡棣州朝直
遙翻監古銜翻

玄殖

奏象賢無反狀玄殖坐免官象賢臨刑極口罵太后發

揚宮中隱慝奪市人柴以擊刑者金吾兵共格殺之太

后命支解其尸發其父祖墳毀棺焚尸自是終太后之

世法官每刑人先以木丸塞其口

塞恚
則翻

武承嗣使鑿

白石為文曰聖母臨人永昌帝業末紫石雜藥物填之

庚午使雍州人唐同泰奉表獻之

隋京兆郡武德元年改曰雍州雍於用翻

稱獲之於洛水太后喜命其石曰寶圖推同泰為遊擊

將軍五月戊辰詔當親拜洛受寶圖有事南郊告謝吳

天禮畢御明堂朝羣臣

朝直遙翻

命諸州都督刺史及宗室

外戚以拜洛前十日集神都乙亥太后加尊號為聖母

神皇 六月丁亥朔日有食之

壬寅作神皇三壘

壘斬

氏翻 東陽大長公主削封邑并二子徙巫州

公主太宗之女長知

兩翻 公主適高履行太后以高氏長孫無忌之舅族故惡

之慈鳥路翻

江南道巡撫大使冬官侍郎狄仁傑以吳楚

多淫祠奏焚其一千七百餘所獨留夏禹吳太伯季札

伍負四祠

負音云

秋七月丁巳赦天下更命寶圖為天

授聖圖洛水為永昌洛水

更工衡翻

封其神為顯聖侯加特

進禁漁釣祭祀比四瀆

唐制嶽瀆為中祀

名圖所出曰聖圖泉

泉側置永昌縣又改嵩山為神嶽封其神為天中王拜

太師使持節神嶽大都督禁芻牧

使疏走翻

又以先於汜水

得瑞石改汜水為廣武

汜水漢之成皋縣屬河南郡後魏為成皋郡置東中府隋開皇

十八年改成皋為汜水屬鄴州縣界有廣武
楚漢對壘處后改縣名以協其姓記音祀

太后潛謀

革命稍除宗室絳州刺史韓王元嘉青州刺史霍王元

軌邢州刺史魯王靈夔豫州刺史越王貞

豫州漢汝南郡地後魏置

豫州唐因之然唐之豫州非能盡得漢汝南郡之地

及元嘉子通州刺史黃公譔

譔士免翻又音銓

元軌子金州刺史江都王緒虢王鳳子申州

刺史東莞公融靈夔子范陽王藹貞子博州刺史琅邪

王冲在宗室中皆以才行有美名

行下孟翻

太后尤忌之元

嘉等內不自安密有匡復之志

考異曰舊傳垂拱三年七月誤也今從實錄

譏謬為書與貞云內人病浸重當速療之若至今冬恐

成痼疾太后召宗室朝明堂

朝直
遙翻

諸王因遞相驚曰神

皇欲於大饗之際使人告密盡收宗室誅之無遺譏詐
為皇帝璽書與冲云朕遭幽繫諸王宜各發兵救我冲

又詐為皇帝璽書云神皇欲移李氏社稷以授武氏

璽
斯

氏
翻

八月壬寅冲召長史蕭惠琮等令募兵

考異曰實
錄作丙午蓋

據奏到之日也舊傳本紀作壬寅按冲以戊申死而
實錄又云冲起兵七日而敗然則壬寅是也今從之

分

告韓霍魯越及貝州刺史紀王慎令各起兵共趣神都

趙七
喻翻

太后聞之以左金吾將軍丘神勳為清平道行軍

大摠管以討之

博州有清平縣漢
貝丘縣也隋更名

冲募兵得五千餘人

欲度河取濟州先擊武水

武水漢東郡陽平縣地隋改
為清邑又分清邑置武水縣

唐屬博州

濟子禮翻

武水令郭務悌詣魏州求救革令馬玄素

革亦

漢陽平縣地後齊改曰樂平隋開皇六年復曰陽平八
年改曰清邑十六年置莘州大業初州廢為莘縣唐屬

魏州

將兵千七百人中道邀冲恐力不敵入武水閉門拒

守冲推草車塞其南門

推吐雷翻
塞悉則翻

因風縱火焚之欲乘

火突入火作而風回冲軍不得進由是氣沮堂邑董玄

寂

堂邑漢縣後魏廢隋分清陽縣復置屬博州

為冲將兵擊武水

為于偽翻

謂人

曰琅邪王與國家交戰此乃反也冲聞之斬玄寂以徇

眾懼而散入草澤不可禁止惟家僮左右數十人在冲

還走博州

走音奏

戊申至城門為守門者所殺

丘神勣傳

云為勣官兵希智白丁孟青林所殺今從實錄及冲傳

凡起兵七日而敗丘神勣

至博州官吏素服出迎神勣盡殺之凡破千餘家越王

貞聞冲起亦舉兵於豫州遣兵陷上蔡

上蔡縣漢屬汝南郡後魏曰臨

汝隋開皇初改曰武津大業初曰上蔡唐屬豫州九域志在州北五十五里

九月丙辰命左

豹韜大將軍麴崇裕為中軍大摠管岑長倩為後軍大

摠管將兵十萬以討之

將即亮
翻下同

又命張光輔為諸軍節

度削冲屬籍更姓虺氏

更工衡翻
下更其同

貞間冲敗欲自鏢詣

闕謝罪會所署新蔡令傅延慶

新蔡縣自漢以來屬汝
南郡唐屬豫州九域志

在州東一
百六十里

募得勇士二千餘人貞乃宣言於眾曰琅邪

已破魏相數州

相息
亮翻

有兵二十萬朝夕至矣發屬縣兵

共得五千分為五營使汝南縣丞裴守惠等將之

汝南
縣舊

曰上蔡隋大業初
改曰汝陽帶豫州

署九品以上官五百餘人所署官皆

受迫脅莫有鬪志惟守德與之同謀貞以其女妻之

妻七

細

署大將軍委以腹心貞使道士及僧誦經以求事成

左右及戰士皆帶辟兵符麴崇裕等軍至豫州城東四

十里貞遣少子規及裴守德拒戰兵潰而歸

少詩照翻

貞大

懼閉閤自守崇裕等至城下左右謂貞曰王豈可坐待

戮辱貞規守德及其妻皆自殺

考異曰實錄庚戌貞舉兵九月丙寅豫州平

又云舉兵二十日而敗庚戌至丙寅纔十七日蓋皆據奏到之日耳

與冲皆梟首東都闕

下初范陽王藹遣使語貞及冲曰

梟監堯翻使疏吏翻語牛倨翻下我語同

若四方諸王一時並起事無不濟諸王往來相約結未

定而冲先發惟貞狼狽應之諸王皆不敢發故敗貞之

將起兵也遣使告壽州刺史趙瓌瓌妻常樂長公主

常樂

公主高祖女使疏吏翻
下同樂音洛長知兩翻

謂使者曰為我語越王

為于偽
翻下似

為同語
牛佑翻

昔隋文帝將篡周室尉遲迴周之甥也猶能舉

兵匡救社稷

事見一百七十四卷陳宣
帝大建十四年尉紆勿翻

功雖不成威震

海內足為忠烈况汝諸王先帝之子豈得不以社稷為

心今李氏危若朝露汝諸王不捨生取義尚猶豫不發

欲何須耶

也 須待

禍且至矣大丈夫當為忠義鬼無為徒

死也及貞敗太后欲悉誅韓魯等諸王命監察御史藍

田蘇珣按其密狀珣訊問皆無明驗或告珣與韓魯通

謀太后召珣詰之珣抗論不回

監古銜翻下同珣式亮翻詰去吉翻

太后

曰卿大雅之士朕當別有任使此獄不必卿也乃命珣

於河西監軍更使周興等按之

更工銜翻下同

於是收韓王元

嘉魯王靈夔黃公譔常樂公主於東都迫脅皆自殺

考

異曰舊傳靈夔流擄州自縊死今從實錄

更其姓曰虺親黨皆誅以文昌左

丞狄仁傑為豫州刺史

光宅改尚書左丞為文昌左丞

時治越王貞黨

與

治直之翻

當坐者六七百家籍沒者五千口司刑趣使行

刑

司刑寺即大理寺趣讀曰促

仁傑密奏彼皆誣誤

誣戶卦翻

臣欲顯奏

似為逆人申理知而不言恐乖陛下仁恤之旨太后特

原之皆流豐州道過寧州寧州父老迎勞之曰我狄使

君活汝耶

勞力到翻仁傑刺寧州見上卷垂拱二年

相攜哭於憲政碑下設

齋三日而後行時張光輔尚在豫州將士恃功多所求

取仁傑不之應光輔怒曰州將輕元帥邪

將即亮翻帥所類翻

仁

傑曰亂河南者一越王貞耳

河南當作汝南

今一貞死萬貞生

光輔詰其語仁傑曰明公總兵三十萬所誅者止於越

王貞城中聞官軍至踰城出降者四面成蹊

降戶

明公

縱將士暴掠殺已降以為功流血丹野非萬貞而何恨

不得尚方斬馬劍加於明公之頸雖死如歸耳光輔不

能詰歸奏仁傑不遜左遷復州刺史

自繁州左遷上州且自近州遷遠州

也舊志豫州去京師一千五百四十里至東都六百七

十里復州京師東南一千八百里至東都一千五百一
十八里
丁卯左肅政大夫騫味道夏官侍郎王本立並

同平章事 太后之召宗室朝明堂也東莞公融密遣

使問成均助教高子貢

朝直遙翻莞音官使疏吏翻下同

子貢曰來必

死融乃稱疾不赴越王貞起兵遣使約融融倉猝不能

應為官屬所逼執使者以聞擢拜右贊善大夫

唐東宮左右贊

善大夫正五品上掌傳令諷過失贊禮儀以經教授諸郡王

未幾為支黨所引

幾居豈翻

冬十月己亥戮於市籍沒其家高子貢亦坐誅濟州刺

史薛顓顓弟緒緒弟駙馬都尉紹皆與琅邪王冲通謀

濟子禮翻顓聞冲起兵作兵器募人冲敗殺錄事參軍

顓聞冲起兵作兵器募人冲敗殺錄事參軍

高纂以滅口

唐武德初改州主簿為錄事參軍掌正違失泄符印

十一月辛酉顛

緒伏誅紹以太平公主故杖一百餓死於獄

紹以主婿免誅死

十二月乙酉司徒青州刺史霍王元軌坐與越王連謀

廢徙黔州

舊志黔州京師南三十一百九十三里至東都三十二百七十七里黔音琴

載以

檻車行至陳倉而死江都王緒殿中監郿公裴承先皆

戮於市承先寂之孫也

裴寂武德開國功臣

命裴居道留守西

京

守式又翻

左肅政大夫同平章事騫味道素不禮於殿

中待御史周矩屢言其不能了事會有羅告味道者勅

矩按之矩謂味道曰公常責矩不了事今日為公了之

為子乙亥味道及其子辭玉皆伏誅
考異曰御史臺

偽翻

記味道陷周興獄

今從

實錄 巴酉太后拜洛受圖

受唐同泰所獻偽石也

皇帝皇太子

皆從

從才用翻

内外文武百官蠻夷各依方叙立珍禽奇獸

雜寶列於壇前文物鹵簿之盛唐興以來未之有也

辛亥明堂成高二百九十四尺方三百尺凡三層下層

法四時各隨方色中層法十二辰上為圓蓋九龍捧之

上層法二十四氣亦為圓蓋上施鐵鳳高一丈

高居飾

以黃金中有巨木十圍上下通貫栝櫨撐椀藉以為本

栝音而梁上柱說文曰屋榑上標櫨音盧柱上拊曰椀櫨廣韻榑也又曰柱也撐抽庾翻斜柱也椀婢脂翻屋

也 下施鐵渠為辟雍之象 以鐵為渠 號曰萬象神宮宴

賜羣臣赦天下縱民入觀改河南為合宮縣又於明堂

北起天堂五級以貯大像 懷義所作夾紵大像也貯丁呂翻 至三級則

俯視明堂矣 考異曰舊薛懷義傳云明堂大屋凡三層計高三百尺又於明堂北起天堂廣表

亞明堂今從小說及通典 僧懷義以功拜左威衛大將軍梁國公 考

異曰寶錄云懷義監造明堂以功擢授左武衛大將軍固辭不拜時有右玉鈴衛將軍王愆徵長上果毅元翦

然請與懷義為兒既而陰有異圖欲奉之為主懷義密奏其狀由是惡徵等坐斬進拜懷義輔國大將軍封盧國公賜物三十段又表辭不受今從舊傳侍御史王求禮上書曰古之明堂

茅茨不翦采椽不斲今者飾以珠玉塗以丹青鐵鷲入

雲

上時掌翻鷲士角翻鷲鷲者鳳也

金龍隱霧昔殷辛瓊臺夏癸瑤室

無以加也

殷辛紂也夏癸桀也

太后不報

太后欲發梁鳳巴蜚

蜚徒

早翻

自雅州開山通道出擊生羌因襲吐蕃

貞觀五年太宗置西

雅州以處生羌八年去西字吐從獸入聲

正字陳子昂上書

上時掌翻

以為雅州

邊羌自國初以來未嘗為盜今一旦無罪戮之其怨必

甚且懼誅滅必蜂起為盜西山盜起

西山在城都西松茂二州都督府所

統諸州皆西山羌也

則蜀之邊邑不得不連兵備守兵久不解臣

愚以為西蜀之禍自此結矣臣聞吐蕃愛蜀富饒欲盜

之久矣徒以山川阻絕障隘不通勢不能動今國家乃

亂邊羌開隘道使其收奔亡之種為鄉導以攻邊是借

寇兵為賊除道舉全蜀以遺之也

種章勇翻鄉讀曰嚮為賊于偽翻遺于季

翻蜀者國家之寶庫可以兼濟中國今執事者乃圖僥

幸之利以事西羌

僥工先翻

得其地不足以稼穡財不足以

富國徒為糜費無益聖德况其成敗未可知哉夫蜀之

所恃者險也

扶夫音

人之所以安者無役也今國家乃開

其險役其人險開則便寇人役則傷財臣恐未見羌戎

已有奸盜在其中矣且蜀人尪劣

尪烏黃翻弱也

不習兵戰山

川阻曠去中夏遠

夏戶雅翻

今無故生西羌吐蕃之患臣見

其不及百年蜀為戎矣國家近廢安北拔單于弃龜茲

放踈勒

廢安北拔單于以突厥畔援也弃龜茲放踈勒以吐蕃侵逼也單音蟬龜茲音丘慈又音屈佳

天下翕然謂之盛德者蓋以陛下務在養人不在廣地

也今山東飢闕隴弊而徇貪夫之議謀動甲兵興大役自古國亡家敗未嘗不由黷兵願陛下熟計之既而役不果興

永昌元年春正月乙卯朔大饗萬象神宮太后服冕冕

措大圭執鎮圭為初獻

周禮注大圭長三尺杼上終葵首天子服之鎮圭尺有二寸天

子守之鎮圭飾四鎮山象其高圭中約以組防其墜齊人謂槌為終葵圭首六寸為槌以下殺之

皇帝

為亞獻太子為終獻先詣昊天上帝座次高祖太宗高

宗次魏國先王

魏國先王武士殺也

次五方帝座太后御則天門

赦天下改元丁巳太后御明堂受朝賀

朝直
逆翻

戊午布政

于明堂頒九條以訓百官己未御明堂饗羣臣 二月

丁酉尊魏忠孝王曰周忠孝太皇妣曰忠孝太后文水

陵曰章惠陵咸陽陵曰明義陵

武氏之先葬文水士
禮及其妻葬咸陽

置

崇先府官戊戌尊魯公曰太原靖王北平王曰趙肅恭

王金城王曰魏義康王太原王曰周安成王 三月甲

子張光輔守納言 壬申太后問正字陳子昂當今為

政之要子昂退上疏

上時
掌翻

以為宜緩刑崇德息兵革省

賦役撫慰宗室各使自安辭婉意切其論甚美凡三千言 癸酉以天官尚書武承嗣為納言張光輔守內史

夏四月甲辰殺辰州別駕汝南王煒連州別駕鄱陽公謹等宗室十二人徙其家於雋州煒憚之子謹元慶

之子也

將王憚太宗子道王元慶高祖子也煒子鬼翻謹音因憚於粉翻

己酉殺天官

侍郎藍田鄧玄挺玄挺女為謹妻又與煒善謹謀迎中宗於廬陵以問玄挺煒又嘗謂玄挺曰欲為急計何如玄挺皆不應故坐知反不告同誅 五月丙辰命文昌

右相韋待價為安息道行軍大總管擊吐蕃 浪穹州

蠻酋徭時昔等二十五部先附吐蕃至是來降 翻 首 慈 由 降 戶

江 翻 以徭時昔為浪穹州刺史令統其眾 南 詔 六 部 號 為 六 詔 浪 穹 詔 其

一 也 已巳以僧懷義為新平軍大總管 考 異 曰 舊 傳 為 清 平 道 大 總

管 今 從 實 錄 余 按 新 平 州 軍 出 邈 州 而 北 代 也 北討突厥行至紫河 隋 志 定 襄 郡 大

利 縣 有 陰 山 有 紫 河 即 太 宗 遣 思 摩 建 牙 之 地 杜 佑 曰 勝 州 榆 林 縣 有 余 河 紫 河 自 馬 邑 郡 善 陽 縣 界 流 入

不見虜於單于臺刻石紀功而還 還 從 宣 翻 又 如 字 諸王之

起兵也貝州刺史紀王慎獨不預謀亦坐繫獄秋七月

丁巳檻車徙巴州更姓虺氏行及蒲州而卒

紀王慎徙巴州蓋全

取道相街自河北路西上不得至東都歷絳至蒲而卒更工衛翻卒子恤翻

八男徐州刺史

東平王續等相繼被誅

被皮義翻 考異曰舊傳云慎長子和州刺史東平王續最知

名早卒今從實錄

家徙嶺南女東光縣主楚媛幼以孝謹稱適

司議郎裴仲將相敬如賓姑有疾親嘗藥膳接遇娣姒

皆得歡心

杜預曰兄弟之妻相謂曰姒蓋妯娌相呼以身年長少為名年長為姒少為娣不以夫之

長幼也俗以兄之妻為姒弟為娣非也爾雅曰長娣謂稚娣為娣娣娣謂長娣為姒娣媛于春翻

時宗

室諸女皆以驕奢相尚諛楚媛獨儉素曰所貴於富貴

者得適志也今獨守勤苦將以何求楚媛曰幼而好禮
今而行之非適志歟觀自古女子皆以恭儉為美縱侈
為惡辱親是懼何所求乎富貴儻來之物何足驕人眾
皆慙服及慎凶問至楚媛號慟嘔血數升

好呼到翻
號戶高翻

免

喪不御膏沐者垂二十年 韋待價軍至寅識迦河

馬據

書待價傳寅識迦
河當在弓月西南

與吐蕃戰大敗待價既無將領之才

將即
亮翻狼狽失據士卒凍餒死亡甚眾乃引軍還太后大

怒丙子待價除名流縡州

縡州漢阿林縣地至隋猶屬
鬱林郡唐武德四年分置林

州六年改曰繡州去長安六十
九十里至東都五百里
斬副大摠管安西大都

護閻溫古安西副都護唐休璟收其餘衆撫安西土

璟俱

永太后以休璟為西州都督 戊寅以王本立同鳳閣

鸞臺三品 徐敬業之敗也

事見上卷
光宅元年

弟敬真流繡州

逃歸將奔突厥過洛陽

厥九
勿翻

洛州司馬弓嗣業

孫恹曰
弓姓也

洛陽令張嗣明資遣之至定州為吏所獲嗣業縊死

縊於

計嗣明敬真多引海內知識云有異圖冀以免死於是

朝野之士為所連引坐死者甚衆

朝直
遙翻

嗣明誣內史張

光輔云征豫州日私論圖讖天文陰懷兩端

謂征楚玉貞時八

月甲申光輔與敬真嗣明等同誅籍沒其家乙未秋官

尚書太原張楚金陝州刺史郭正一鳳閣侍郎元萬頃

洛陽令魏元忠並免死流嶺南

陝夫再劄

楚金等皆為敬真

所引云與敬業通謀臨刑太后使鳳閣舍人王隱客馳

騎傳聲赦之聲達於市當刑者皆喜躍謹呼

騎奇守翻謹請如誼

宛轉不已元忠獨安坐自如或使之起元忠曰虛實未

知隱客至又使起元忠曰俟宣勅已既宣勅乃徐起舞

蹈再拜竟無憂喜之色是日陰雲四塞既釋楚金等天

氣晴霽

塞恣則調 考異曰唐歷七月二十四日張楚
金絞死八月二十一日郭正一絞死年代紀七

月甲戌楚金絞死新書紀八月辛丑殺郭正一今據實
錄楚金等皆流配未死舊書楚金正一萬頃傳皆云流
嶺南御史臺紀云元忠將刑至于市神色自若則天以
楊楚功免死流放復叙授御史中丞復陷來俊臣獄復
至市將刑神色如初其術諸王子戮者三十餘尸重疊
委積元忠顧視曰大丈夫少選居此積矣曾不介懷會
鳳閣舍人王隱客馳騎傳呼勅罷刑復放嶺南又云前
後坐弃市流放者四舊傳云前後三被流今從舊傳

九月壬子以僧懷義為新平道行軍大總管將兵二

十萬討突厥骨篤祿

將即
亮翻

初高宗之世周興以河陽

令召見

河陽縣自漢以來屬河內郡唐屬懷州又屬孟州見賢通翻

上欲加擢用或

奏以為非清流罷之

周興發身於尚書都書流外官也

興不知數於朝

堂俟命

數所角翻朝直遙翻

諸相皆無言

相息亮翻

地官尚書檢校納

言魏玄同時同平章事

光宅改戶部為地官

謂之曰周明府可去

矣

唐人呼縣今為明府

興以為玄同沮已銜之玄同素與裴炎善

時人以其終始不渝謂之耐久朋周興奏誣玄同言太

后老矣不若奉嗣君為耐久

為于偽翻下為長同

太后怒閔月甲

午賜死于家監刑御史房濟謂玄同曰丈人何不告密

冀得召見可以自直見賢通翻玄同歎曰人殺鬼殺亦復何

殊

復扶又翻

豈能作告密人邪乃就死又殺夏官侍郎崔駮

於隱處

先宅改兵部為夏官

自餘內外大臣坐死及流貶者甚衆

彭州長史劉易從

彭州漢繁縣之地宋置晉壽郡故城在州北三里梁置東益州後魏置天

水郡仍改繁縣為九隴縣仍置濛州隋省唐武德初復置尋省併益州垂拱二年復分置彭州易以豉翻亦

為徐敬真所引戊申就州誅之易從為人仁孝忠謹將

刑於市吏民憐其無辜遠近奔赴競解衣投地曰為長

史求冥福

為十偽翻

有司平準直十餘萬周興等誣右武衛

大將軍燕公黑齒常之謀反徵下獄

燕因有翻
下逃嫁翻

冬十月

戊午常之縊死

縊於計翻

己未殺宗室鄂州刺史嗣鄭王璫

等六人

鄂州春秋夏洵之地江夏記云一名夏口一名魯口吳始築郡城晉末始立鄂州隋平陳改為

鄂州因鄂渚為名璫居影翻璫鄭王元懿之子考異曰唐歷云撫州別駕舊傳璫作敬今從新本紀

申嗣滕王脩琦等六人免死流嶺南

考異曰統紀云元嬰男脩璫等五

人免死配流今從舊傳

丁卯春官尚書范履冰鳳閣侍郎邢文

偉並同平章事

己卯詔太穆神皇后文德聖皇后宜

配皇地祇忠孝太后從配

太后尊其母為忠孝太后從才用翻

右衛胄

曹參軍陳子昂

唐諸衛府皆有曹曹參軍掌戎仗器械及公廨興造決罰之事

上疏以

為周頌成康漢稱文景皆以能措刑故也

上時掌翊

今陛下

之政雖盡善矣然太平之朝上下樂化不宜有亂臣賊

子曰犯天誅比者大獄增多逆徒滋廣

朝直遙翊樂音洛比毗至翊

愚臣頑昧初謂皆實乃去月十五日陛下特察繫囚李

珍等無罪百僚慶悅皆賀聖明臣乃知亦有無罪之人

挂於踈網者陛下務在寬典獄官務在急刑以傷陛下

之仁以誣太平之政臣竊恨之又九月二十一日勅免

楚金等死初有風雨變為景雲臣聞陰慘者刑也陽舒者德也聖人法天天亦助聖天意如此陛下豈可不承順之哉今又陰雨臣恐過在獄官凡繫獄之囚多在極法道路之議或是或非陛下何不悉召見之自詰其罪詰去吉翻罪有實者顯示明刑濫者嚴懲獄吏使天下咸服人知政刑豈非至德克明哉

天授元年

是年九月方改元天授

十一月庚辰朔日南至太后享

萬象神宮赦天下始用周正改永昌元年十一月為載

初元年正月以十二月為臘月夏正月為一月以周漢

之後為二王後舜禹成湯之後為三恪

古者建國有宥有恪二王之後

賓也待以客禮師古曰恪敬也待之如敬亦如賓也鄭玄以二王三恪通為五代後人多祖其說唐本以後周及隋後為二王後今改之周隋之嗣同列國

此周謂後周

鳳閣侍郎河

東宗秦客

河東蒲州

改造天地等十二字以獻

十二字照為鑿天為兩地

為鑿日為☉月為☾星為○君為唐臣為惡人為至載為蠱年為輶正為缶又有證為鑿睡為聖二字

丁

亥行之太后自名鑿改詔曰制

避后名也

秦客太后從父姊

之子也

從才用翻

乙未司刑少卿周興秦除唐親屬籍

臘月辛未以僧懷義為右衛大將軍賜爵鄂國公 春
一月戊子武承嗣遷文昌左相岑長倩遷文昌右相同
鳳閣鸞臺三品鳳閣侍郎武攸寧為納言邢文偉守內
史左肅政大夫同鳳閣鸞臺三品王本立罷為地官尚
書攸寧士彧之兄孫也彧一號翻時武承嗣三思用事宰相
皆下之下遜嫁翻地官尚書同鳳閣鸞臺三品韋方質有疾
承嗣三思往問之方質據牀不為禮或諫之方質曰死
生有命大丈夫安能曲事近戚以求苟免乎尋為周興

等所構甲午流儋州籍沒其家

儋都 甘翻

二月辛酉太后

策貢士於洛城殿

六典洛城南門之西有麗景夾城自此沿通上陽宮洛城南門之內有洛

城殿

貢士殿試自此始 丁卯地官尚書王本立薨

異曰考

新紀丁卯殺王本立御史臺記 未立為周興所誅今從實錄

三月丁亥特進同鳳

閣鸞臺三品蘇良嗣薨 夏四月丁巳春官尚書同平

章事范履冰坐嘗舉犯逆者下獄死

考異曰新紀五月戊子殺范履冰

今從實錄唐歷

醴泉人侯思止

醴泉漢池陽谷口之地後魏置寧夷縣隋開皇十八年改

曰醴泉屬雍州

始以賣餅為業後事游擊將軍高元禮為僕素

詭譎無賴恒州刺史裴貞杖一判司

唐謂州曹諸司參軍為判司韓愈詩

所謂判司卑官不堪說未免
蕪楚塵埃間是也恒戶登翻

判司使思止告貞與舒王

元名謀反秋七月辛巳元名坐廢徙和州

舊志和州京師東南二十

六百八十三里至東都
一千八百一十一里

壬午殺其子豫章王亶貞亦族

滅摧思止為遊擊將軍時告密者往往得五品思止求

為御史太后曰卿不識字豈堪御史對曰獬豸何嘗識

字但能觸邪耳

異物志東北荒中有獸名獬豸一角性
忠直見人鬪則觸不直者聞人論則咋

不直者獬胡責
翻豸宅責翻

太后悅即以為朝散大夫侍御史

朝直
送翻

散惡
重翻

它日太后以先所籍沒宅賜之思止不受曰臣惡

叛逆之人

惡鳥
路翻

不願居其宅太后益賞之衡水人王弘

義素無行

行下
孟翻

嘗從隣舍乞瓜不與乃告縣官瓜田中

有白兔縣官使人搜捕蹂踐瓜田立盡

蹂人九翻
踐息淺翻

又遊

趙貝見閭里耆老作邑齋遂告以謀反殺二百餘人擢

授游擊將軍俄遷殿中侍御史或告勝州都督王安仁

謀反勅弘義按之安仁不服弘義即於枷上刎其首又

捕其子適至亦刎其首函之以歸道過汾州司馬毛公

與之對食須臾叱毛公下階

下階 嫁翻

斬之槍揭其首入洛

見者無不震栗

揭其 謁翻

時置制獄於麗景門內

唐六典曰 洛城南門

之西有麗景夾城自此潛通於上陽宮又曰洛陽皇城西面二門南曰麗景北曰宣耀

入是獄者

非死不出弘義戲呼曰例竟門

竟盡也言入此門者例盡其命也劉昫曰言入

此門者例皆竟也

朝士人人自危相見莫敢交言道路以目或

因入朝密遭掩捕每朝輒與家人訣曰未知復相見否

朝直遙翻 復扶又翻

時法官競為深酷唯司刑丞徐有功杜景儉

司刑丞即大理丞 考異曰實錄及新紀表傳皆作景儉 蓋實錄以草書致誤新書因承之耳今從舊統紀

獨存平恕被告者皆曰遇來侯必死遇徐杜必生有功

文遠之孫也

徐文遠見一百八十五卷高祖武德元年

名弘敏以字行初為蒲

州司法

唐制法曹司法參軍掌鞠獄麗法督盜賊知贓賄沒入

以寬為治

治直吏翻

不

施敲朴吏相約有犯徐司法杖者衆共斥之迨官滿不

杖一人職事亦修累遷司刑丞酷吏所誣搆者有功皆

為直之

為于偽翻下右為同

前後所活數十百家嘗廷爭獄事太

后厲色詰之

結去言翻

左右為戰栗有功神色不撓

撓奴教翻

爭

之彌切太后雖好殺

好呼到翻

知有功正直甚敬憚之景儉

武邑人也

武邑漢縣屬信都郡後漢晉屬安平郡後魏屬武邑郡隋唐屬冀州

司刑丞榮

陽李日知亦尚平恕少卿胡元禮欲殺一囚日知以為

不可往復數四元禮怒曰元禮不離刑曹此囚終無生

理日知曰日知不離刑曹此囚終無死法竟以兩狀列

上

離力知翻上時掌翻下同

日知果直

東魏國寺僧法明等撰大

雲經四卷表上之

撰士免翻

言太后乃彌勒佛下生當代唐

為閻浮提主

釋氏以人世為閻浮提

制頒於天下

武丞嗣使周

興羅告隋州刺史澤王上金

隋州春秋隋子之國漢為隨縣屬而陽郡後魏置隋

州舊志隋州京師東南一千三百八十八里至東都一千八里

舒州刺史許王素節謀

反徵詣行在

舊志舒州京師東南二十六百二十里至東都一千八百九十三里

素節

發舒州聞遭喪哭者歎曰病死何可得乃更哭邪丁亥

至龍門

龍門山在洛州河南縣界

縊殺之

縊於計翻

上金自殺悉誅其諸

子及支黨 太后欲以太平公主妻其伯父士讓之孫

攸暨

垂拱四年誅薛紹太平公主寡居妻七細翻下同

攸暨時為右衛中郎將

將即亮翻

太后潛使人殺其妻而妻之公主方額廣頤多權

略太后以為類已寵愛特厚常與密議天下事舊制食

邑諸王不過千戶公主不過三百五十戶太平食邑獨

累加至三千戶

此食實戶也若唐制以品為差則累於是劉昫曰唐制公主食封三百戶長公

主加五百戶有至六百戶高宗以太平公主武后所生逾於舊制垂拱中太平公主至一千二百戶聖歷初至

三千戶景雲初增至五千戶

八月甲寅殺太子少保納言裴居道

癸亥殺尚書左丞張行廉辛未殺南安王潁等宗室十

二人又鞭殺故太子賢二子唐之宗室於是殆盡矣其

幼弱存者亦流嶺南又誅其親黨數百家

考異曰實錄作數千家

今從舊本紀

惟千金長公主以巧媚得全自請為太后女仍

改姓武氏太后愛之更號延安大長公主

長知兩翻下同更工衛翻

九月丙子侍御史汲人傅遊藝

汲縣漢屬河內郡晉以來帶汲郡東魏置

義州隋廢為汲縣貞觀初移衛州治焉

帥關中百姓九百餘人詣闕上表

帥讀曰率上時掌翻下同

請改國號曰周賜皇帝姓武氏太后不許

擢遊藝為給事中於是百官及帝室宗戚遠近百姓四

夷酋長沙門道士合六萬餘人

酋慈由翻

俱上表如遊藝所

請皇帝亦上表自請賜姓武氏戊寅羣臣上言有鳳皇

自明堂飛入上陽宮還集左臺梧桐之上

左臺左肅政臺也

久

之飛東南去及赤雀數萬集朝堂

朝直
通翻

庚辰太后可皇

帝及羣臣之請壬午御則天樓

則天門
樓也

赦天下以唐為

周改元

改元
天授

乙酉上尊號曰聖神皇帝以皇帝為皇嗣

賜姓武氏以皇太子為皇孫丙戌立武氏七廟于神都

追尊周文王曰始祖文皇帝妣曰文定皇后

似太
似也

姓譜似受
姓自縣

平王少子武曰睿神康皇帝妣姜氏曰康睿

皇后

后速祖姬周誣神甚矣文
王其肖饗非鬼之祭乎

太原靖王曰嚴祖成皇

帝妣曰成莊皇后趙肅恭王曰肅祖章敬皇帝魏義康

王曰烈祖昭安皇帝周安成王曰顯祖文穆皇帝忠孝
太皇曰太祖孝明高皇帝妣皆如考謚稱皇后立武承
嗣為魏王三思為梁王攸寧為建昌王士夔兄孫攸歸

重規載德攸暨懿宗嗣宗攸宜攸望攸緒攸止皆為郡

王諸姑姊皆為長公主

獲一號翻
長知兩翻

又以司賓卿溧陽史

務滋為納言

光宅改鴻臚為司賓溧陽縣漢屬丹陽郡
江左因之隋平陳廢丹陽郡以溧陽縣屬

宣州溧
音栗

鳳閣侍郎宗秦客檢校內史給事中傅遊藝為

鸞臺侍郎平章事遊藝與岑長倩右玉鈐衛大將軍張

虞勗左金吾大將軍丘神勳侍御史來子珣等並賜姓

武秦客潛勸太后革命故首為內史遊藝暮年之中歷

衣青綠朱紫

一年之間自九品歷至三品衣於既翻

時人謂之四時仕宦

勅改州為郡或謂太后曰陛下始革命而廢州不祥

以州

周同音也

太后遽追止之命史務滋等十人巡撫諸道太后

立兄孫延基等六人為郡王冬十月甲子檢校內史

宗秦客坐贓貶遵化尉

遵化縣屬欽州隋開皇二十年置

弟楚客亦以

奸贓流嶺外

丁卯殺流人韋方質

配流儋州尋卒今考異曰舊傳云

從統紀
新本紀

辛未內史邢文偉坐附會宗秦客貶珍州刺

史

珍州漢夜郎郡地貞觀十六年開山洞以舊播州城置珍州及夜郎縣以縣界有隆珍山因名舊志珍州

至京師四十一百里

頃之有制使至州

以奉制出使故謂之制使猶言

詔使也使

文偉以為誅已遽自縊死

縊於計翻

壬申勅兩

京諸州各置大雲寺一區藏大雲經使僧升高座講解

其撰疏僧雲宣等九人皆賜爵縣公

撰士免翻疏所去翻

仍賜紫

袈裟銀龜袋

西域胡僧衣毛衣謂之袈裟流入中國以繒帛為之常僧皆衣縵惟賜紫者乃得衣

紫袈音加袈音沙唐制給品官以隨身魚符以明貴賤應徵石高宗給五品以上以隨身銀魚袋以防召命之

欽定四庫全書

資治通鑑

辛

詐出內必合之三品以上金飾袋垂拱中都督刺史始
賜魚天授二年改佩魚皆佩龜其後三品已上龜袋飾
以金四品以銀五品以銅
中宗初罷龜袋復給以魚
制天下武氏咸蠲課役

西突厥十姓自垂拱以來為東突厥所侵掠

東突厥謂骨
焉祿等

散亡略盡濛池都護繼往絕可汗斛瑟羅收其餘衆六

七萬人入居內地拜右衛大將軍改號竭忠事主可汗

可從列入
聲汗音寒

道州刺史李行褒兄弟為酷吏所陷當族

秋官郎中徐有功固爭不能得秋官侍郎周興奏有功

出反囚當斬

考異曰新舊傳有功爭行褒皆在爭褒
行本下按行本得罪在長壽元年一月時

周興已敗死矣行褒坐謀復李氏必在革命後今置此年之末太后雖不許亦免有功

官然太后雅重有功久之復起為侍御史

復扶又翻下掌復同

有

功伏地流涕固辭曰臣聞鹿走山林而命懸庖厨勢使之然也陛下以臣為法官臣不敢枉陛下法必死是官矣太后固授之遠近聞者相賀是歲以右衛大將軍

泉獻誠為左衛大將軍太后出金寶命選南北牙善射者五人賄之獻誠第一以讓右玉鈐衛大將軍薛咄摩咄摩復讓獻誠

咄當沒翻

獻誠乃奏言陛下令選善射者今

多非漢官竊恐四夷輕漢

泉獻識高麗泉勇生之子薛吐摩薛延陀之種故云然

請停此射太后善而從之

二年正月癸酉朔太后始受尊號於萬象神宮

漢哀帝自稱陳

聖劉太平皇帝尊號蓋昉於此太后以女主而受尊號尤為非古是後玄宗自先天三年至天寶十三載五十年間六受徽號人主遂視為故常矣 旗幟尚赤幟昌志翻 甲戌改置社稷於神

都辛巳納武氏神主于太廟唐太廟之在長安者更命

曰享惠廟

更工銜翻 考異曰案寶錄此年三月己卯改唐太廟為享德廟據此已附武氏七廟主

不當至三月方改唐廟新本紀元年十月辛未改唐太廟為享德廟以武氏七廟為太廟今從唐統紀 四

時唯享高祖已下餘四室皆閉不享

四室宣帝元帝光帝景帝也

又

改長安崇先廟為崇尊廟

垂拱四年立崇先廟

乙酉日南至大享

明堂祀昊天上帝百神從祀

從才用翻

武氏祖宗配饗唐三

帝亦同配

御史中丞知大夫事李嗣真以酷吏縱橫

橫戶孟翻

上疏以為今告事紛紜虛多實少

上時掌翻少詩沼翻

恐有

凶慝陰謀離間陛下君臣

開古蒐翻

古者獄成公卿參聽王

必三宥然後行刑

記王制成獄解史以獄成告于正正聽之正以獄成告于大司寇大司寇

聽之于棘木之下大司寇以獄之成告于王王三宥然後制刑比公參聽之三公以獄之成告于王王三宥然後制刑

日獄官單車奉使推鞠既定法家依斷不令重推

此此

斷丁亂翻
重直龍翻

或臨時專決不復聞奏如此則權由臣下非

審慎之法儻有寬濫何由可知况以九品之官專命推

覆操殺生之柄竊人主之威案覆既不在秋官省審復

不由門下

復扶又翻
口翻尚悉景翻

國之利器輕以假人恐為社

稷之禍太后不聽 饒陽尉姚貞亮等數百人表請上

尊號曰上聖大神皇帝不許 侍御史來子珣誣尚衣

奉御劉行感兄弟謀反皆坐誅 春一月地官尚書武

思文及朝集使二千八百人表請封中嶽

中嶽嵩山
朝直遙翻

己亥廢唐興寧永康隱陵署官

元帝陵曰興寧景帝陵
曰永康興寧陵在咸陽

永康陵在三原北十八里唐諸陵有署令一人從五品
上府二人史四人主衣四人主輦四人主樂四人典事
三人掌固二人又有陵令一人掌
山陵率陵戶守衛之丞為之貳

唯量置守戶

量音良

左金吾大將軍丘神勣以罪誅

納言史務滋與來俊

臣同鞫劉行感獄俊臣奏務滋與行感親密意欲寢其
反狀太后命俊臣并推之務滋恐懼自殺 或告文昌

右丞周興與丘神勣通謀太后命來俊臣鞫之俊臣與

興方推事對食謂興曰囚多不承當為何法興曰此甚

易耳

易以政翻

取大甕以炭四周炙之令囚入中何事不承

俊臣乃索大甕火圍如興法

索山客翻

因起謂興曰有內狀

推兄請兄入此甕興惶恐叩頭伏罪法當死太后原之

二月流興嶺南在道為仇家所殺興與索元禮來俊臣

競為暴刻

索昔各翻

興元禮所殺各數千人俊臣所破千餘

家元禮殘酷尤甚太后亦殺之以慰人望 徙左衛大

將軍千乘王武攸暨為定王

乘繩證翻

立故太子賢之子

光順為義豐王

考異曰舊傳為安樂王今從唐歷統紀

甲子太后命始

祖墓曰德陵睿祖墓曰喬陵嚴祖墓曰節陵肅祖墓曰

簡陵烈祖墓曰靖陵顯祖墓曰永陵改章德陵為昊陵

顯義陵為順陵

追復李君羨官爵

君羨誅見一百九十九卷太宗貞觀

二十二年

夏四月壬寅朔日有食之

癸卯制以釋教開

革命之階

謂大雲經也

升於道教之上

命建安王攸宜留

守長安

守式又翻

丙辰鑄大鍾置北闕

五月以岑長倩

為武威道行軍大總管擊吐蕃中道召還軍竟不出

六月以左肅政大夫格輔元為地官尚書

姓譜格姓允格之後東觀

漢紀有侍御中東平桐格班

與鸞臺侍郎樂思晦鳳閣侍郎任知古

並同平章事思晦彥暉之子也

樂彥暉見二百卷高宗顯慶元年

秋

七月徙關內戶數十萬以實洛陽 八月戊申納言武

攸寧罷為左羽林大將軍夏官尚書歐陽通為司禮卿

光宅改太常為司禮

兼判納言事 庚申殺玉鈴衛大將軍張虔

勗來俊臣鞠虔勗獄虔勗自訟於徐有功俊臣怒命衛

士以刀亂斫殺之梟首于市

鈴其廉翻梟堅亮翻

義豐王光順

嗣雍王守禮永安王守義長信縣主等皆賜姓武氏

唐制

嗣王郡王從一品光順兄弟皆章懷太子賢之子嗣祥吏翻雍於用翻

與睿宗諸子皆幽

閉宮中不出門庭者十餘年守禮守義光順之弟也

或告地官尚書武思文初與徐敬業通謀甲子流思文

於嶺南復姓徐氏

思文改姓見上卷光宅元年

九月乙亥殺岐州

刺史雲弘嗣來俊臣鞠之不問一欵

獄辭之出於囚口者為欵欵誠也言

所吐者皆誠實也

先斷其首乃偽立案奏之

斷尊管翻際考也據也獄辭之成者

曰案言可考據也凡官大書可考據者皆曰案

其殺張虔勗亦然勅旨皆依海

內鉗口

鉗其
康翻

鸞臺侍郎同平章事傅遊藝夢登湛露

殿以語所親

語牛
居翻

所親告之壬辰下獄自殺

下遊
塚翻

癸

巳以左羽林衛大將軍建昌王武攸寧為納言洛州司

馬狄仁傑為地官侍郎與冬官侍郎裴行本並同平章

事太后謂仁傑曰卿在汝南甚有善政

謂垂拱四年
刺豫州時也

卿

欲知諧卿者名乎仁傑謝曰陛下以臣為過臣請改之

知臣無過臣之幸也不願知諧者名太后深歎美之

先是鳳閣舍人脩武張嘉福

先悉薦翻修武漢山陽縣
地修武古地名也魏隋以

名縣唐屬懷州杜佑曰懷州修武縣本殷冢邑韓詩外傳曰武王伐紂勒兵於寧故曰修武漢山陽縣故城在縣
使洛陽人王慶之等數百人以上表上時掌翻
西北考異曰御史

臺記作千餘人今從舊傳請立武承嗣為皇太子文昌右相同鸞臺

鳳閣三品岑長倩以皇嗣在東宮不宜有此議嗣祥吏翻相息

亮翻奏請切責上書者告示令散太后又問地官尚書同

平章事格輔元輔元固稱不可由是大忤諸武意令力丁翻

忤五故翻故斥長倩令西征吐蕃未至徵還下制獄下退承

嗣又諧輔元來俊臣又脅長倩于靈原令引司禮卿兼

判納言事歐陽通等數十人皆云同反通為俊臣所訊

五毒備至終無異詞俊臣乃詐為通款冬十月己酉長

倩輔元通等皆坐誅王慶之見太后

見賢通
翻下同

太后曰皇

嗣我子奈何廢之慶之對曰神不歆非類民不祀非族

左傳晉大夫
狐突之言

今誰有天下而以李氏為嗣乎太后諭遣

之慶之伏地以死泣請不去太后乃以印紙遺之曰

道

李

欲見我以此示門者自是慶之屢求見

見賢
通翻

太后頗

怒之命鳳閣侍郎李昭德賜慶之杖昭德引出光政門

外洛陽宮城南面三門中曰
應天左曰興教右曰光政
以示朝士曰此賊欲廢我

皇嗣立武承嗣命撲之

朝直造翻
撲弼角翻

耳目皆血出然後杖

殺之

考異曰舊傳云延載初鳳閣舍人張嘉福令洛陽人王慶之率輕薄惡少數百人詣闕上表請立

武承嗣為皇太子則天不許唐歷昭德永昌元年自御史中丞貶振州凌水尉實錄長壽元年始為相舊傳杖殺慶之在為相後按御史臺記昭德自中丞轉鳳閣侍郎蓋暫貶凌水尉召還為鳳閣侍郎也杖殺慶之據御史臺記乃是為鳳閣侍郎時非為相後也舊傳或以載初為延載慶之上表或在載初年實錄因岑長倩格輔元之死說及其今參取實錄御史臺記及舊傳之語

其黨乃散昭德因言於太

后曰天皇陛下之夫皇嗣陛下之子陛下身有天下當

傳之子孫為萬代業豈得以姪為嗣乎自古未聞姪為

天子而為姑立廟者也

而為子
偽嗣

且陛下受天皇顧託若

以天下與承嗣則天皇不血食矣太后亦以為然昭德

乾祐之子也

李乾祐即貞觀初
敕裴仁軌者也

壬辰殺鸞臺侍郎同

平章事樂思晦右衛將軍李安靜安静綱之孫也

李綱
以剛

直著節隋唐之間安
靜可謂無忝厥祖矣

太后將革命王公百官皆上表勸

進安静獨正色拒之及下制獄來俊臣詰其反狀

上時
掌翻

下遜嫁翻
詰去吉翻

安静曰以我唐家老臣須殺即殺若問謀反

實無可對俊臣竟殺之 太學生王循之上表乞假還

鄉

假古訝翻休假也唐國子學
生三百人太學生五百人

太后許之狄仁傑曰臣

聞君人者雖殺生之柄不假人自餘皆歸之有司故左

右丞徒以下不句

句音鈎

左右相流以上乃判為其漸貴

故也

相息亮翻為子偽
翻下為之昔為同

彼學生求假丞簿事耳

唐國子
監丞六

品下掌判簿事
主簿從七品下

若天子為之發勅則天下之事幾勅可

盡乎必欲不違其願請普為立制而已太后善之

資治通鑑卷二百四